

ርኢሰ ኢሰያስ አፈወርቂ ውራቅ ሽቅል ሱፈረኔ ልትከበት



ርኢሰ ኢሰያስ አፈወርቂ የም 18 ኦፕሪል እት ዲሞክራሲ ልትከበት ደንደን አውራቅ ሽቅል ሱፈረኔ ናይ 11 ደውለት ትከበተ። ለአውራቅ ሽቅሎም ትከበተ

ምኖም ሱፈረኔ፡ ናይ ትርኩፍ ጅምሁርየት ቻይኒ ኬንዩ፡ ጅምሁርየት ፓክሰታን አልሰላምዮ፡ ኔዘርላንድስ፡ ጅምሁርየት ሮዋንድ፡ ጅምሁርየት ኮርዮ፡ ህንድ፡ ኖሚብዮ፡ ኖርወይ

ወጅምሁርየት ዲሞክራሲየት ኮርዮ ቶም።

ርኢሰ ኢሰያስ እግል ሰፊር ጅምሁርየት ቻይኒ ያንግ ዚጋንግ እተ ትከበተ እቲ፡ ዝያድ 50 ሰነት ለአደረት ታሪካይት ዐላቀት ኤርትራየ ወቻይኒ መሳልሕ ክልኢተን ድወል እበ ተአክድ እት ትደቀብ ትመጽእ ክምህሉት ሸርሐ።

እግል ሰፊር ህንድ አምራት ላጋን እተ ትከበተ እቲ ህዩ ሮኢሰ ኢሰያስ፡ ህንድ እተ ሐልፊየ 25 ሰነት፡ እት ኦሮ ምን አግደ እስትራተጅየት ዐማር ሕኩመት ኤረትራየ ላቲ ጠወሮት መቅደረት በሸር ዶር ዐቢ ተአገዴ ክም ህሉት እት ሸርሐ፡ ዝያድ እግል ልትከደም እሉ ንዩት ሕኩመት ኤረትራየ ክምቲ ሐበረ።

ምስል ሰፊር ጅምሁርየት ፓክሰታን ራዛ ባሸር እተ ትራከበ እቲ ህዩ፡ ፓክሰታን ሐቲ ምን እት አርበኛታት እግል እስትቅላል ሸዐብ ኤረትራየ ለአየደየ ሕዳት ድወል ክምተ እት ሸርሐ፡ እለ ዐላቀት ዝያድ እግል አደአቅቦተ ምስዳር እግል ልትነሰእ ክምስል ወጅብ

አፍህመ።

እግል ሱፈረኔ ኬንዩ፡ ሮዋንድ ወናሚብየ እተ ትከበተ እቲ ህዩ ሮኢሰ ኢሰያስ፡ ዐላቀትለ ድወል ምስል ኤረትራየ እብ ለትፈናተ አሰባብ ክምስል ትትሐዜ ክም ኢትጠወረት እት ሸርሐ፡ አፍራቀ ሰላም ወመሰከብት እግል ልትመደድ እተ ወመትነፈዓይት አርዛቀ እግል ትግበእ፡ እት ፍንገል ድወል መቅርሕ ወሸራክት እግል ለህሌ ክም ወጅብ ወደሐ።

ወረቀት ሽቅል ሰፊር ትርክ ኢይኩት ኩምባሮግሉ ሐቀለ ትከበተ ህዩ፡ ሮኢሰ ኢሰያስ እትጃህ ሰኒ ጳብጠት ለህሌት ዐላቀት ኤርትራየ ወትርክ እት መጃላት ሰያሰት ወዲፕሎማሲየት ዝያድ እግል አደቀቦተ ንዩት ኤርትራየ አክደ።

እግል ሰፊር ጅምሁርየት ኮርዮ ሚስተር ሊ ኪሰዮንግ እተ ትከበተ እቲ ህዩ ሮኢሰ ኢሰያስ፡ ግብለት ኮርዮ ሐቲ ምን እት ብናእ ኤርትራየ ዶር ተአገዴ ለህሌት ዐድ ክምተ ምናተ እሊ እት ኤረትራየ እበ ገብእ ጳብኢት ተአሰር እንዴ ገአ

እቲ ክም አትካረመ እት ሸርሐ፡ ለዐድ እሊ ፈሀም ንጥእ ምኑ እንዴ አወለጠት ምስል ኤረትራየ እት ዐቦት ሸራክት ለረከዘት ዐላቀት እግል ትብኔ ትላከ።

ምስል ሰፊር ኔዘርላንድስ ዶክቶረት ካሪን ቦቬን እተ ወደዩ ህድግ ህዩ ሮኢሰ ኢሰያስ፡ ለኢትፊህመ ወአሰባብ ለአለቡ ጳብኢት ሕኩመት ኔዘርላንድስ እት ኤርትራየ እት ለሐብር፡ እዓደት ነዘር እግል ትግበእ እቲ ክም ወጅብ ሐበረ።

ሰፊርት ካሪን ቦቬን እብ ተራተ፡ ለህለ ተዋልል እግል ልትሰየሕ ክም ትሸቂ ወደሐት።

እግል ሰፊር ኖርወይ ባርድ ህፕላንድ እተ ትከበተ እቲ፡ ዐላቀት ኖርወይ ወኤረትራየ ታሪካይት ክምተ ለሸርሐ ሮኢሰ ኢሰያስ፡ እሊ ላኪን ታሪክ እንዴ ገአ እግል ኢልትረፍ ሐር እንዴ ገአት ምስል ኤረትራየ ዐላቀት እግል ትጠውር አትፋቀደ።

ርኢሰ ኢሰያስ እት ደንገቤ፡ እግል ሰፊር ጅምሁርየት ደመቅራጥያይት ኮርዮ ማ ዩንግ ሁይ ቲ ለትከበተ።

በዓል ፋዘገ እብ ነያረት ልትዐየድ



ሰክርቴር ቅዱስ ሲኖዶስ አርቶዳክስ ተውሀዶ ቤት-ክስታን ኤረትራየ ብጹእ አቡኔ ሉቃስ፡ እብ መናሰበት በዓል ፋዘጋ ወዐዝ አስመዐው።

አቡኔ ሉቃስ እት ወዕዞም፡ እት ቀበት ዐድ ወኻርጅ ለኩባር መ-እምኒን፡ እት ዓቅቢት ወዐማር ወጠን ፍፋራም ለህለው አንፋር ቅዋት ድፋዕ፡ እት እስብዳልያት ልትዓለጃ ለህለው፡ እብ ዓመት ህዩ እግል ክሎም ሸዐብ ኤርትራየ አሰናይ እት በዓል ፋዘገ አብጹሐኑ ሐቀለ ቤለው፡ በዓል ፈርሐት ወለውቀት ወበዓል ፈተ ወሰላም ወብዐል ውሕደት ወሰሙድ እግል ሊደዩ እን ለሰምተ ሰእየት ሰኔት ሸርሐው።

ብጹዕ አቡነ ሉቃስ እንዴ

አትለው፡ እትሊ በዓል ሕሹም ፡ ግዱዓም እግል ንስዴ፡ወሕመማም እግል ንዕደድ፡ ሓዘናም እግል ነአትዳፍእ ወየታይም እግል ንራዔ መክረው።

እሊ ክእነ ዲብ እንቲ፡ እብ ብጹአን አበው -አቡሰላመ ወአቡኔ ጴጥሮስ ለትመርሐ ብጹአን ጳጳሳት፡

ወብዕዳም መ-እምኒን አልቁድስ ንሰው።

ለመ-እምኒን አልቁድስ እተ ጸነሐ እተን ክልኤ ሳምን፡ እት አማክን መቀደስ ዝያረት ክምስል ወዱ ምን መክተብ መንበሬ ፓትርያርክ ለበጽሐተነ ሐብሬ አፍህመት።

ከበር እስትሸሃድ

እት ውብረት ተዐሊም እብ ደረጃት መ-ዲረት ዓም መታብዐት ወጠንያይት መፈድየት ዩኔስኮ እንዴ ገብአት ትከድም ለጸንሐት ገዲመት መናድለት ምሕረት እዮብ ተኻሉ፡ እበ ዐለ እተ ሕማም ዲብ ዐድ ወካርጅ ትትሳሬ እንዴ ዐለት፡ ዲብ ዮም 13 ኦብሪል ዲብ 65 ሰነት ምን ዕምረ አስተሸህደት።



እት ሰነት 1978 ዲብ ጅብህት ሸዐብየት ተሕሪር ኤረትራየ ለትሓበረት ገዲመት መናድለት ምሕረት እዮብ፡ እት መደት ንዳል፡ ከም መ-ደርሰት እት ረበዮት ዌርሰት ወጠን ሸባባት ወጠወሮት መናህጅ፡ ሐቆ ሕርየት ህዩ ዲብ በራምጅ ምህሮ እግል ዐባዩ፡ አዳለዮት መምሬሕ ተዕሊም ህግዩ እንግሊዝ፡ ከም ሳብተት ነፈር መፈድየት ደስቲር፡ አከዶት ሕቁቅ አንሳት ወአጀኒት፡ ወዲብ ጠወሮት መቅደረት አዳም ወመሻርዕ ውብረት ተዐሊም እብላ ትፈናተ ደረጃት ሸዐበ ወዐደ እብ መትሰባል ክድመት።

ሸሃደት ምሕረት፡ ሐቆ ሕርየት እበ ረክበቲ በክት፡ ለዲብ ሰነት 1972 ምን ጃምዐት አዲስ አበባ ለረክበተ ናይ ዲፕሎመ ደረጃት፡ ዲብ ጃምዐት በርሚንግሃም ብሪግንዩ ዲብ ማስተርስ እንዴ ወቀለት፡ ዲብ ጠወሮት ወጠንያይ መናህጅ ዶር ዐቢ ለቀደመት ምሕርባይት ተ።

ተእሂል ውርስ ዓዳት ተምም

መፈወድየት ዓዳት ወርያደት ምስል መዝመት ተዕሊም፡ ዕሉም ወዓዳት መዝመት መጅልስ ቅራን በህለት፡ “ዩኔስኮ” ውብዕዳት ሰብ-ሸርከት እብ መትዓምን ለነዘመቲ ተእሂል ሕፍዝ ውርስ ዓዳት ዮም 13 ኦፕሪል ተመ።

ለእግል መደት ዐስር አምዕል እት አስመረ ለተሀየበ ተእሂል፡ እድንያይ እትፋቅ እግል ሕፍዘት ውርስ ዓዳት፡ እግል መ-ጅተመዕ አሳሰ ለወደ አዳለዮት ተፋሲል

ውርስ ዓዳት፡ ክምስልሁመ ተጃርብ ኤረትራየ እት ሕፍዘት ውርስ ዓዳት፡ መጃል ዕልም ውርስ ዓዳት፡ እግል ሕፍዘት ናይለ ውርስ ፈርህት ለትኽልቅ ጋሪት፡ ዶር ወመሻረከት መ-ጅተመዕ እት ሕፍዘት ዓዳት ውርስ ውብዕድ አርእስ ሸምል።

መፈወድ ዓዳት ወርያደት ሰፊር ዘመዴ ተክሌ ዲብ አስምዐየ ከሊመት ካቲመ፡ ለእግል ልሕለፍ ለተሐዘ ምህሮ እብ ዋጅብ ክሰብ እግል ለህሌ ሰአየቲ እንዴ ሸርሐ።

ለደርሰው ውርስ ዓዳት እብ ማዕየ ለአሳሱ ጅህድ እግል ልትሐፈዝ ለለአቀድር ፈሀም እት መ-ጅተማዕን እግል ልስበቀ እብ መትሰባል እግል ልክደም ከም ልትሰአው አፍህመ።

ለተእሂል ለህበ፡ በዐል መቅደረት ዓዳት ሚስተር ላቭሞር ማዚቡት እብ ጀህቲ፡ ዲብ ተእሂል ለረአየ መሻረከት፡ ለደርሰው ዲብ ዓዳቶም ለሰምቲ መትሐሳር ወሕሸመት ለወድሕ ክም ቲ እንዴ ሐበረ፡ ዲብ ምዴርየት በራኽ ለረአየ ምህሮ ፍዕል ከም በሰጠየ ሸርሐ።

ወዚረ ተዕሊም ጅህድ ወቀሎት ደረጃት ተዕሊም ክም ገብእ ለአክድ



መትሐሳር እግል ልትሆነን፡ መትመዳድ መክተባት ዲጂታል ዲብ መዳርስ እግል ልተላላ። መትሐሳር ደረሰ እግል ልዕቤ፡ ልቃኣት መዳርስ ወዋልዲን እግል ልትደቀብ ወደር ማዕዩ ዲብ መጽል ተዕሊም ክም ለዐቤ እግል ልግባእ ለልብል አራእ ቀደመው።

መዲር ዓም ከደማት እጅትማዕዩት አቅሊም ግብለት አሰይድ ፍራንኮ ኩባብ ዲብ አስምዐዩ ናይ ካቲመ ከሊመት። ዲብል አቅሊም መጥ-መጦር ከደማት ተዕሊም እግል ልፍያሕ ለገብእ ጅህድ፡ ማዕዩ ወእዳራት ምስል ውዛረት ተዕሊም ሕበር እግል ልክደም ጅህድ ገብእ ክም ሀለ ሸርሐ።

እት አቅሊም ግብለት፡ ምን ረውዳት አስክ ካልኣይት ደረጃት ለበጽሐ 505 መአሰሳት ተዕሊም ወክልኤ ኩልየት ክድመት ለሀይብ ህለዩ።

በቃዐት ተዕሊም አካዳሚ ደረሰ ደረጃት እብ ደረጃት እግል ትሰኔ እብ መትሐሳር ልትክደም ክም ሀለ። ወዚረ ተዕሊም አሰይድ ሰመሬ ርእሶም ዲብ መንደፈረ ዲብ ገብእ እጅትማዕ ሸርሐ። ወዚረ ሰመሬ እት ዮም 12

ወ13 ኣብሪል ዲብ አቅሊም ግብለት ምስል ሸቄ ለትፈናተው ጅህት ዲብ ወደዩ ልቃእ። ዲብ ዐመልየት ደረሰ ወደረሶት ለሳድፍ መጋድዕት ዲብ ልርሄ በቃዐት ተዕሊም ወደረሰ ዲብ ክሉ ደረጃት እግል ትደቀብ

ጅህድ ገብእ ክም ሀለ አፍሀመ። መስኡል ፈርዕ ውዛረት ተዕሊም እስታዝ ህብትዝጊ ኪዳኔ ህዩ። ዲብ ልሰርገል ለሀለ ወራታት። ንዩት ወመባደረት መደርሲን ወመሸርፊን ተአሲር ክም ቡ እንዴ ሐበረ። ዲብ

አወላይ ሰሚስተር ዲብ ክሉ ደረጃት ምን ሻረከው ሐድ 200 አልፍ ደረሰ ለ83% ሐሊፎም ናይ እሊ ተአምርተ ክም ቱ ሐበረ። መሸተርከት መባኒህን ወአላተን ለኢተመ መዳርስ

አክትብት 'ነቅፈ' ልደሐር

መጥበዐት ሕድሪ ወመክተባት አውጊት፡ እብ መናሰበት ዝክረት 40 ሰነት ተሕሪር ነቅፈ፡ “ ነቅፈ” ክምስልሁመ “ቅሰት ዝክርያት ኖስ” ለአርእሶም ክልኡት ክታብ ዲብ ዮም 12 ኣብሪል አድሐረዩ።

ሰለስ መዳልየት ለሻረከው ዲብ ወእብ 26 ሰብ መቅደረት አምር ክቱብ ለትክተብዩ 39 ቅሰት ወሐቱ ተርጀመት ልክነት ቴሌግራም ለክምክም ክታብ ነቅፈ፡ 696 ሰፍሐት

ወ300 ሰራት እተ-ክምስልሁመ ክልኤ ከሪጠት ብእተ።

ቅሰት “ዝክርያት ኖስ ምን መደት ንእሽ አስክ ተሕሪር ነቅፈ” ህዩ፡ ሐምስ ምዕራፍ ወ220 ሰፍሐት ለቡ ዲብ ገብእ፡ እብ ኮሎኔል አሰረሰ ኢሳቅ ለትክተባት ተ።

ዲብ ዓደት፡ ወኪል መጥበዐት ሕድሪ አሰይድ ኤፍሬም ሃብተጽን፡ ታሪክ ቃሊ እንዴ ኢልትክተብ ሰብኡ ገይሶ ሰበት ህለው፡ ክል ነፈር

ዲብ ወሰቆት ቅሰስ ወቀዩ፡ ዶሩ እግል ልቀድም እንዴ አትፋቀደ፡ ታሪክ ሀውየትን ለሸፊሕ ሰበት ቱ፡ ድግም እብ አፍ ሌጠ እንዴ ኢትገብእ እግል ልትክተብ ክም ወጅብ አትፋቀደ።

ዲብ ክታብ “ነቅፈ” ተቅዩም ለቀደመው ዶክተር ትክስቱ ፍቃዱ ወአሰይድ አማኒኤል ዮሴፍ፡ አሕዳስ ታሪክ ነቅፈ፡ ሰብ ወቀደ፡ ክቱቱ ጀራይድ፡ መጀላት ወአክትባት

ሆላንድ፡ ዋዕለ ሸባባት ጅ.ሸ. ልትሰርገል

ዲብ መዲነት ሼልድሆሽን - ሆላንድ 13ይ ዋዕለ ሸባባት ጀብህት ሸዐብየት እግል ዲሙቅራጥየት ወዐዳለት፡ አርባ፡ “ሩየትን ናይ መንጠቀት ወእድንዩ ሸራክት ሰላም ወዐማር” እብ ትብል ስቅራት ዲብ ዮም 14 ኣብሪል ትከሰተ።

ዲብ ዓደትለ መክሰቲ፡መስኡል ሲያሰት ጀብህት ሸዐብየት እግል ዲሙቅራጥየት ወዐዳለት አሰይድ የማኔ ገብርኣብ፡ ሱፈራእ ወምንለ ትፈናተዩ ድወል አርባ፡ አሚርክ፡ አፍሪቀ ወምግባይ ምፍጋር ጽሓይ ለመጽአው ዝዩድ 500 አንፋር መትካም ሸባባት ጀብህት ሸዐብየት እግል ዲሙቅራጥየት ወዐዳለት ወዋልዲን ሻረከው።

አንፋር ልጅነት መዳልያይት ዲብ አስምዐወ ከሊመት፡ ለዋዕለ እግል ልሰርገል ለገብእ ጅህድ ወለትሰርገል ወቀደ እብ ተፋሲል እንዴ ሸርሐው፡ አግደ ሀደፍ ወምሃም ሐረክት ሸባባት ጀብህት ሸዐብየት እግል ዲሙቅራጥየት ወዐዳለት፡ ሳብት ወፋዝዕ ሸባባት

ረቡዮት ክም ቱ እንዴ አፍሀመው፡ መትካም ትሩድ ዲብ ጃልየት ኤረትርዩ ለክቅክ፡ ወመሻረክት ሸባባት እት በርናምጅ መዳፍዐት ወጠን እግል ልዕቤ ክም ከድም ሸርሐው።

ምን ሱዳን ወአሚርክ ለመጽአው መትካም ሸባባት ጀብህት ሸዐብየት እግል ዲሙቅራጥየት ወዐዳለት ህዩ፡ ወራታቶም ወተጃርቦም እግል መሸተርከት ቀድሞ እት ህለው፡ መሳኒት ሸዐብ ኤረትርዩ ላቶም ዐዘመት ለገብኣት እግሎም፡ ሸዐብ ኤረትርዩ ለደፍዐዩ እስትሸሃድ ቃሊ ክም ልፍህም ወዐዱ እግል ልብኔ ወድዩ ለሀለ ወራታት ክም ለአይዶ አፍሀመው።

ምናተ፡ ዲብ ካልኣይት አምዕል ናይለ ዋዕሉ፡ መዲር መዲነት ሼልድሆሽን እብ አምን እንዴ አመስመስ እግል ልብጠር አማውር ሐቆ ካለፈ፡ እት አካን ብዕደት ክም አተላለ ልጅነት መዳልያይት ሐበረት።



ኤፌትርዮጵያ

ክል አርቡዕ ለትጠብዕ ጀሪደት

መዳልያይ፡

መሐመድ እድሪስ መሐመድ

ናይብ መዳልያይ፡

አድም ሳልሕ (አቡሐሪሽ)

ለይ-አውት፡

ፋጥና አደም

ዘህረ ዐሊ

ተለፎን፡ 121797

ፋክስ፡ 127749፡ ዕ.ሰ.ቡ፡ 247

ተውዝዕ ጀሪደት፡

ተለፎን፡ 200454

አትአመሮት፡

ተለፎን፡ 125013፡ ዕ.ሰ.ቡ፡ 1284

እንዴ ትፈተሽ እግሉ ለትዳለ ክምቱ እንዴ ሐበረው፡ ቅሰት እብ ሸክል ተምሲል መትቀዳመ ለበሰጥ ክም ቱ አፍሀመው።

ኬትባይ ክታብ “ ቅሰት ዝክርያት ኖስ” ኮሎኔል አሰረሰ ኢሳቅ፡ ለነሰአዩ መባደረት እግል ሕድ ለሸብህ ሸቅል አትናዮት ወደሩክ ክም ቱ ሸርሐ።

ዲብ ለዘትለ ክታብ “ቅሰት ዝክርያት ኖስ” ረአዮም ለሀበው ብሪጋደር ጀነራል ተኪኤ ርእሶም ወሻብ አማኒኤል ዘክርያስ ህዩ፡ ዝክርያት መድረሰት፡ ቅሰት ሰውረት፡ መልህዮት፡ ከህላት፡ መሰል ሰኔት ክም ከምክም እንዴ ሸርሐው፡ ክሎኔል አሰረሰ ለአስክ ተሕሪር ነቅፈ አብጽሐ ለሀለ ቅሰት አስክ ሕርየት እግል ለአተላልዩ ትፋነው።





ቃኑን ስርዐት ጀሪመት፡ ኪደት ቢኖናት ቃኑን ጀሪመት ዲብ ፍርድ ወጀዘ ለበጹሕ እቡ አግቡይ ለወዴሕ መጃል ቃኑን ቱ። ምጅርም ዲብ ፍርድ እንዴ አቅረብከ ለለአሰትህሉ ጀዘ ክምሰል ረክብ እግል ዊደት ዲብለ ለሀሌ አሰሉብ፡ ላጼሕ እብ ጌገ እግል ኢልጃዘክ ዲብ ዐመልየት ቃኑን ጀሪመት መርመረ ወፍርድ እግል ኢልብጸሕ እግል መዳፊዐት ለሰዴ አሳሲያይ መባድእመ ከምክም። ምን እምባተት መርመረ ጀሪመት አሰክ ፈዓልየት ፍርድ ለሀለ አሰሉል እብለትፈናተ መአሰሳት ሕኩመት ክምሰል ልሰርገል እንዴ ገብአመ እብ ጌገ ላጼሕ ለልትዐገብ እቱ አዋይን ክምሰል ጨብብ ወዴ። ዓም ወቀይ ወዋጅብ ናይለ ስርዐት ጀሪመት ፍቱሕ ለከውን ጀሃት ሕኩመት ህዩ ወዴሕ። ስርዐት ቃኑን ጀሪመት ኤረትርየ ላጼሕ እብ ይአምር እግል ኢልትለከም ለለዐቅብ ሌጠ እንዴ ኢጉብእ፡ ምጅርም ክምሰል ለጉብእ እብ ፍርድ ለተአከደ አዳምመ ምን ጉብእ እብ እንሳንያይት ገቢይ እግል ልጸበጥ፡ አሳሲ ሕቁቁ እግል ልትሐፈዝ እሉ ለትፈናተ መባድእ እዱሉይ ህለ። ገሌ ምኑ እግል ንርኤ።

1. መብደእ ስርግልት ገቢይ ፍርድ

እሊ መብደእ እሊ ወራት ስርዐት ጀሪመት ዐድል እንዴ ተአምቡት አሰክ ትትክለሰ እምበል ለጉብእ ሰብብ አትአደጎት ሸክ ለጉብእ እቱ አው ህዩ ሸኩይ ቀደም ፍርድ አረይ ለትራየመ ሐብስ ወኢጣፍሐት ሓላት እግል ኢልግበእ ለዳፊዐ ቱ። ሸኩክ አሰክ ሸኩይ ደማን ሰበት ኢትሰመሐ እሉ አው ህዩ ለትሰአለዩ ደሚን እግል ልርኩብ ሰበት ኢቀድረ አሰክ ፍርድ ዲብ ሐብስ እግል ልጸንሕ ዶል ልትቀረር፡ ለእምበል ሰብብ ጉብእ መደንጋር ፍርድ አክልአዩ እግሉ ወእግል አፍራድ ዓይለቱ ክምሰል ለአዜ ለለአትክሕድ ኢኮን። ሕጅት ዲብ ሐንቴ ቀይድ አው ሐብስ እንዴ ጉብእ ድዱ ለቀርቡት ሸክወት ጀሪመት እግል ልዳፊዐ ደማን እግል ልሰመሕ እሉ ምን ቤቱ ዲብ ለአትቀባብል ቀድዋቱ ለታቤዐ ሸኩክ አው ሸኩይመ ምንጉብእ ሰብብ ለአለቡ አትራያም ወራት ፍርድ ዲብ አምዕላይ ወራታቱ መታክል ዐቢ ክምሰል ጉብእ መፍሁም ቱ። ሰበት እሊ ስርዐት ቃኑን ጀሪመት ኤረትርየ ክእን ላቱ አትራያም ወራት ፍርድ እግል ሀወኖት ስርግልት ወራት ፍርድ ክምሰል ተሀሌ እግል አከዶት ለጉብእ ለትፈናተ አፍተሓት ካትብ ህለ። ሸኩክ ዲብ ቀይድ ክምሰል አተ ዲብ ከርስ 48 ሰዓት እግል ደማን ወቃኑንየትለ ቀይድ እግል አከዶት አሰክ ቤት ፍርድ እግል ልቅረብ በዩኖቱ ሐቱ መሰል ቱ። እብ ተውሳክ፡ ወራታት መርመሮት ጀሪመት ክምሰል ከባደተ ወመሐባልከ ለሐደስ ወለ አጅረመው ለነሰኡ

ወቅት ለልትፈናቱ ምን ጉብእ ሐድ ወቅት እግል ልግበእ እሉ ምህም ጉብእ ምንጉብእ፡ እበትቀደረት ገቢይ እምበል ሰብብ ለጉብእ አትራያም እግል ልትሀወን ስርዐት ቃኑን ጀሪመት ኤረትርየ በይን። ናይ መርመረ ወራታት ክምሰል ተመ ላኪን ዴቅባይ ቃኑን ሰጅል ምን ቀርብ እተ ኢነት ዲብ ቀበት 15 ምዕል ሸክወት እንዴ አሰሰ አሰክ ለከሰስ ቤት ፍርድ እግል ለሓልፍ ስርዐት ቃኑን ጀሪመት ኤረትርየ መስኡልየት እርፍዑ ህለ። ምኑ ወኪን ቅድየት ጀሪመት ዲብ ፍርድ ክምሰል በጽሐት፡ አብያት ፍርድ እምበል ሰብብ ለጉብእ ዕድም እግል ሊዴ ክምሰል ኢወጅብ ስርዐት ቃኑን ጀሪመት ኤረትርየ እብ ዋዴሕ እዱሉየ ህለ።

2. ሐቅ ረኪብ ምክር ቃኑን

አውካድ ብዙሕ ሸኩካም ወሸኩያም ናይ ቃኑን ፈሀምም ሕግድ ቱ። እት ረአሶም ለትቀንጽ ሸክወት እብ አየ ገቢይ እግል ልብለሶ ወልዳፍቦ ክምሰል ወጅብ ምን ይአምር ላጽሓም እት እንቶም እብ መስኡልየት ጀሪመት ዶል ረፊያ አው እብ ኢወዐለው እቱ ጀሪመት ምጅርሚን እንዴ ትበሀለው ድድም ፍርድ እግል ኢልትሆብ አው ህዩ ምጅርሚን ክምቶም ዲብለ ልትአከድ እቱ ወክድ ምን ወጅቦም ለትደቀብ አው ለኩብደ ጀዘ እግል ኢልትሐከም እቶም ናይ ቃኑን ምክር አው መትጸጋግ ለረክቦ እቱ ቴለል አዳለዮት ህዩ ዎሮ ምን እብ ስርዐት ቃኑን ጀሪመት ኤረትርየ ለጉብእ እሉም ሕጃብ ቱ። ሕቁቁም ወዋጅባቶም እብ ዋዴሕ እግል ለአምሮ ምን ኢቀድረው ቃኑን እግል ወድዩ እሉም ዓቅቢት እግል ልትነፊያ እቡ እንዴ ትበሀለ ለልሰመሕ ሕቁቅ ቱ። እብሊ ለትሸረሐ አሰባብ፡ ስርዐት ቃኑን ጀሪመት ኤረትርየ “ናይ ቃኑን ምክር ናይ ርክበት ሐቅ” ምን ወክድ ቀይድ እንዴ አምቡተ አሰክ ፈጽም ፍርድ ክምሰል ለሀሌ ዋዴ ህለ። እብ አሳሰ ስርዐት ቃኑን ጀሪመት ኤረትርየ ዎሮ ሸክ ለጉብእት እቱ ዲብ ቀይድ እትለ ጸኔሕ እቱ ወቅት አሰልፍ ሸክ ለጉብእ እቱ ናይ ጀሪመት ሐደስ እግል ልትሐብፍ፡ ለቀርብ እቱ ሰኣል እግል ኢልብለስ እቱመ ሐቅ ክምሰል ለሀሌ እሉ፡ ምሰል ናይ ቃኑን ጌምያዩ እግል ልትሻወር ሐቅ ክምሰል ለሀሌ እሉ እብ መቀይዳዩ እግል ልትሐበር መስኡልየት ለአረፊዕ። እብ አሳሰ እሊ ህዩ ምሰል ናይ ቃኑን ጌምያይ ናይ መትሃጋይ ወመትሰኣል ሐቅ ምን ወክድ ቀይድ ክምሰል ለአሰተብዴ ወዴሕ።

3. መብደእ ረኪብ ንሰከት ሸክወት

ሐቱ ቀድየት ጀሪመት እብ ፖሊስ አውመ እብ ዴቅባይ ቃኑን እንዴ ትጫሬት ክምሰል ትክለሰት፡ ዴቅባይ ቃኑን ዲብ ከርስ 15 አምዕል ሸክወት እንዴ አሰሰ

አሰክ ቤት ፍርድ እግል ለአቅርብ መስኡልየት ክምሰል ቡ ስርዐት ቃኑን ጀሪመት ኤረትርየ በይን። እለ ሸክወት እለ እግል ሸኩይ እብ ሰበት ለትሸከ እተ ጋራት ዲብ ቤት ፍርድ ድዱ ለቀርብ እሰባታት እብ ገቢይ ዋድሐት ታመት ወለኢተአትሸክክ ሐብሬ ለለሀይብ እንዴ ጉብእ እግል ልቅረብ በያናት ስርዐት ቃኑን ጀሪመት ኤረትርየ ወዴሕ። ሸክወት ጀሪመት ቃኑናይ ወቱክኒካይ ዐዋምል ለአትመመ እትጉብእ፡ ሸኩይ ኬደየ ለትበሀል ማደት ጀሪመት ምሰል ተፋሲሉ በሀለት አምዕል፡ ሰዐት፡ አካን፡ ለጀሬት ጀሪመት፡ አግቡደለ ጀሬት እቡ፡ አረይ ምን ለሀሌ ሰሚቱ ተፋሲል ደላይል... ወለመስሉ ለጸብጠ እግል ልግበእ ስርዐት ቃኑን ጀሪመት ኤረትርየ በይን። አግደ ሀደፍ አሰሶት ሸክወት እግል ሸኩይ እብ ሰበት ድዱ ቃርቡት ለሀሌት ሸክወት ወእግለ ቀርቡት ሸክወት እግል አከዶት ለቀርብ እሰባታት እንዴ ወደሐከ ሐበሮት፡ ናይ መዳፊዐት እሰባታት እብ ዋጅብ እግል ልዳሌ አው ህዩ ወቅት ወገሮብ እግል ኢልሀለክ ምጅርም ክምቱ እግል ልልአም ሰድየት ቱ። ሰበት እሊ ስርዐት ቃኑን ጀሪመት ኤረትርየ እግል እሊ አግደ ሀደፍ አሰሶት ሸክወት ዲብ ወግም እንዴ አተ፡ ንሰከት ሸክወት ምሰል ተፋሲል ወእሰባታተ እግል ሸኩይ እግል ልትሆብ ሐቁ ክምሰል ቱ እብ ዋዴሕ ሻርሐ ህለ።

4. መብደእ ጀልሰት ክሰትት

ክምሰል መብደእ ላተ ወራት ፍርድ ጀሪመት ዲብ ጀልሰት ክሰትት እግል ትግበእ ስርዐት ቃኑን ጀሪመት ኤረትርየ በይን። ጀልሰት ክሰትት ትትበሀል እት ህሌት እግል ሽዑብ ቅልዕት ላተ ወራት ፍርድ በሀለት ቱ። አብያት ፍርድ እግል ሐቱ ቀድየት እብለከሰስ ዲብ ፍርድ እትለ በጼሕ እቱ ወቀይ ሽዑብ ክምሰል ታብዐ እንዴ ጉብእ ረታዐት ወቃኑንየት ናይለ ወራት ሽዑብ ክምሰል ገክሐ ጉብእ። እሊ ህዩ መጅተመዕ ዲብ አብያት ፍርድ እግል ለሀሌ እሉ ለቀድር መትሸክክ ወሕሚት እንክር እንዴ ከረ ዲብ አብያት ፍርድ እምነት ወደማን ክምሰል ሰብቅ እቱ እግል ዊደት ሰዴ። እብ ካልኣይት ደረጀት ወራት ፍርድ እግል ሽዑብ ክሰትት ወዲሀ ደረር ወኪደት ቃኑን ሚ ክምቱ ዲብለ መጅተመዕ ልእከት እግል ሓለፎት ወሐበሮት እብ ገቢይ ዓም ከፊዕ ሐደስ ወብዕድ ጀራይም ዲቡ ሰዴ። ምናተ ክሉ ቅደይ ጀሪመት ዲብ ጀልሰት ክሰትት ልትረኤ በሀለት ኢኮን፡ ስርዐት ቃኑን ጀሪመት ኤረትርየ ጀልሰት ድብእት ለልትሰመሕ እቱ ቴለል እብ ተፋሲል እዱሉይ ህለ። እብ አሳሰ ስርዐት ቃኑን ጀሪመት ኤረትርየ፡ አብያት ፍርድ፡ ጀልሰት ክሰትት እግል ደሐን ሽዑብ ወደውለት አው እግል ደሐን ዲብ

ወራትለ ፍርድ ለሻርክ ነፈር ዲብ ብቆት ለካሬ እንዴ ጉብእ ሰድ ለሰመዐ አው ህዩ እግል እክላቅያት ወዓዳት መጅተመዕ ለለአዜ እንዴ ጉብእ ሰድ ጸኔሕ ለቀድየት ዲብ ጀልሰት ድብእት እግል ትትረኤ ትቀድር። እብ ተውሳክ ሸኩይ እንዴ ጉብእ ለቀርብ ነፈር ተሐት ዕምር ዶል ጉብእ ለቀድየት ዲብ ጀልሰት ድብእት እግል ትትረኤ ስርዐት ቃኑን ጀሪመት ኤረትርየ ለአዘዘ። ምኑ እንዴ ሐልፈ አብያት ፍርድ ምህም ዶል መሰል እተን ለዲብ ጀልሰት ድብእት ለሻርክ አዳም ዲብለ ወራት ፍርድ እግል ሰመዐው አው ለረአው አሸዩእ ዲብ ከደን እግል ኢልንሾሩ ወእግል ኢልትሃገው እቡ ትእዛዝ እግል ለሀብ ስርዐት ቃኑን ጀሪመት ኤረትርየ ሰልጠት ለሀይብ።

5. መብደእ ቃኑናይ ወግም ለጸሐት

እሊ ቃኑናይ ወግም እሊ ዎሮ ነፈር እብ ሐደስ ጀሪመት ሸክ እንዴ ጉብእ እቱ ቀድየቱ እንዴ ትጸሬት ሸክወት እንዴ ተአሰሰት እቱ አሰክ ቤት ፍርድ ሰበት ቀርብ ሌጠ ምጅርምቱ እግል ልትበሀል ክምሰል ኢወጅብቱ ለወዴሕ ቱ። አብያት ፍርድ ልግበእ ወብዕድ ጀሃት ስርዐት ጀሪመት እግል እሊ ሸኩይ እሊ ዲብ ቤት ፍርድ ድዱ ደሊል ካሬ እንዴ ቀርብ እጅራሙ አሰክ ልትአከድ ክምሰል ላጼሕ እግል ልትረኤ፡ እብ ክምሰል እሊ ፈሀም እሊ ወራት ስርዐት ጀሪመት ዐድል እግል ለአትምመ እሊ መብደእ እሊ ቀሰብ። ክእን ሰበት ጉብእ ህዩ፡ ዴቅባይ ቃኑን ድድ ሸኩይ ዲብ ቤት ፍርድ እሰባት ካሬ እንዴ አቅረብ ዲብ ቤት ፍርድ ጀሪመት ሸኩይ አሰክ ይአከደ ሸኩይ ክምሰል ላጼሕ ክምሰል ልትሐሰብ እንዴ ጉብእ፡ እት ስርዐት ቃኑን ጀሪመት ኤረትርየ ብዩን ህለ። ሰበት እሊ፡ እሊ መብደእ እሊ እግል ዴቅባይ ቃኑን ምን ሸክ ወኪን እንዴ ሐልፈ ለለአፍህም ደሊል ሳብት ናይ አቅረቦት ጸር ለለአረፊዕ ጉብእ እት ህለ፡ እግል እጅራም ሸኩይ እብለከሰስ ሸክ ለተአተውዴ ምስግር ዶል ትትረከብ አብያት ፍርድ እግል ሸኩይ ሕር እንዴ ቤለ እግል ለአትቁ መስኡልየት ለአረፊዕ።

6. መብደእ ቅረዲት ኢሸሂድ ድድ አርወሐትከ

እሊ መብደእ እሊ፡ ክምሰል ሐቅ እንዴ ኢጉብእ ክምሰል ቅረዲት ቱ ብዩን ለህለ። እሊ በሀለት ህዩ እብ ሐደስ ጀሪመት ሸክ እንዴ ጉብእ እቱ እግል ወራት መርመረ አሰክ ፖሊስ ልግበእ ወዴቅባይ ቃኑን ለቀርብ ነፈር አው ህዩ ሸክወት ጀሪመት እንዴ ተአሰሰት እቱ ዲብ ቤት ፍርድ ለቀርብ ነፈር፡ እብ ሰበትለ ትሸከው እቱ አው ለትሸከ እቱ ሐደስ ጀሪመት ሰኣል እንዴ ቀርብ እቱ ናይ ቢለ ኢሂበት ሐቅ ክምሰል ለሀሌ እሉ ለሸርሕ፡ እብ ምራድ ኖሱ ዘዐቱ ዶል ለሀይብ ላኪን ለሀበዩ ረድ ክምሰል ደሊል

ድዱ እግል ልቅረብ ክምሰል ቀድር ለወዴሕ መብደእ ቱ። አብ ዓመት እንዴ ትቀሰብከ እብ ጨቅጥ አው ህዩ ለትፈናተ ቅረዲት እግል ልግበእ እግልከ እብ አሳሰለ ተአተ እግልከ ገለድ እንዴ ትቀሸሸከ ለሀብካሁ ቃል ክምሰል እሰባት ድድከ እግል ኢልቅረብ እብ አብያት ፍርድ ክበት እግል ኢልግበእ ለዳፊዐ መብደእ እት ጉብእ፡ ዲብ ስርዐት ቃኑን ጀሪመት ኤረትርየ ብዩን ህለ።

ስርዐት ጀሪመት ዐድል እብ መጅብ ስርዐት ቃኑን ጀሪመት ኤረትርየ

እብ አሳሰ ስርዐት ቃኑን ጀሪመት ኤረትርየ፡ ስርዐት ጀሪመት ዐድል ኤረትርየ እብ ፖሊሱ እብ መካትብ ዐቂብ ቃኑን፡ እብ አብያት ፍርድ፡ ሐብስ ወእሰላሕያት ለትከወና ቱ። እሉም ጀሃት እሉም ስርዐት ጀሪመት ዐድል፡ ክል ምኖም ናይ ኖሱ እዳረት ከርስ ለመልክ እት ጉብእ፡ እት ኖሰኖሶም ሰልሰለታይ መትጸባጥ ቦም። ክል ምኖም ህዩ ዲብ ቃኑን እንዴ ተንከበው ዎሮ ክፋል ናይለ ወራት ዐባይ ስርዐት ጀሪመት ዐድል እንዴ አግደው ዲብ ደንጎበ እግል ትከወነው እሉ አሳሲ ሀደፍ መዲድ ጀሪመት ዐድል ወመዳፊዐት ጀሪመት እግል ልብጸሐ ልጸገም። ስርዐት ቃኑን ጀሪመት ኤረትርየ ክፋላት ስርዐት ጀሪመት ዐድል እግል እሊ አህዳፍ እሊ እብ ገቢይ ራትዐት እግል ልጸበጥ ለለሐልፍ ወራት ሚ እግል ልምሰል ክምሰል ቡ ለለሐብር ወዲብ ኖሱ ኖሱ ለሀለ እሉ መትጸባጥ ወዕላቀት ለወዴሕ በያናት ክምክም። እምበል እሊ ስርዐት ቃኑን ጀሪመት ኤረትርየ ምጅርም ዲብ ቤት ፍርድ ዲብ ቀደምት ወጃዘዮት ዲብለ ህለ ወራት ለሳድፍ አክጠኣት ላጼሕ እብለ ኢወዐለዩ እግል ኢልትዐገብ ወአረይ እግል ልግበእ ምኑ ወኪንመ ሸክ ለጉብእ እቱ ዲብ ፍርድ እንዴ ኢቀርብ ምን ሰልፋ ለአሳሲያይ ሕቁቁ እግል ኢልትከዩድ ለዳፊዐ መባድእ ክምኩም ህለ። እብ ተውሳክ ጀሃት ስርዐት ጀሪመት ዐድል ለትከወነው እቡ ሀደፍ ዲብ አከዶት ዲብለ ወድዎ ጸገም ተረት ክል ምኖም ወዴሕ። እብ ሐትሐቱ ንርእዮም።

I. ፖሊስ እብ አሳሰ ስርዐት ቃኑን ጀሪመት ኤረትርየ

- መዳፊዐት አሕዳስ ጀሪመት
- ዲብ ሐብሬ ጀሪመት እንዴ ተንከብከ መርመሮት ወአጫራይ አሕዳስ ጀሪመት
- እብ አሳሰለ ቃኑን ሰምሐ ሸክ ለጉብእ እቶም አንፋር ቀየዶት፡ ወሸክ ለጉብእ እተ አካን ጸቢጥ ደሊል እግል ልግበእ ለቀድር አሸዩእ።
- ዲብ መርመሮት አሕዳስ ጀሪመት አቅረቦት ሸኩያም ዲብ ፍርድ ወዴቅበት ቃኑን ሰድየት። ተረት አው ዓም መሃም ፖሊስ ቱ።

ልተላሌ.....

አህምየት መሐብር መጀልበት ዓለ እት ተጠውር ሐርስ ወእቅትሳድ

መሐብር ተዓውን ሐርስ ታሪክ ረዩም ለቡ እት ገብኤ፡ እት ጥወራት ወዲብ ሄራር ተጠውር ለህለዩ ድወል ለረክበዩ ሰርገል ወነዋቅስ ክም ቡ ለገብኤ ዲቡ በሐሰ ለአክድ። መሐብር ተዓውን ሐርስ ምን ልትአሰስ አስክ እለ 150 ሰነት ዋዲ ሀለ። እት ለትፈናተየ ናይ ሰናዐት ክፋላት-ዐለም ክም ተአሰሰ፡ እት ተጠውር ሐርስ ሐዘት ዐባይ ወሲናዶ ክም ወዲ ልትሀደዎ። እት መደት ሰልፋ መሐብር ተዓውን ሐርስ እብ በዳሪት ሐረሰቶት ወእብ ሐርስ ለልትናበረ ክምኩማት ጼዋታት ሰበት አስተብደ፡ እት ሱግ ለዐለ እሉ መትጃጋር ወተአሲሩ ሰኒ ሐዋን ዐለ። እሊ ሕው'ነ እሊ እግል ልትሳፊ ወናይ አፍረዮት መቅደረት ጀላብ እግል ትትወቀል፡ ለሐሰ ዐውል እግል ልትረከብ፡ ለትፈናተ ዐፍሽ እግል መትሓባይ ወወዘዶት፡ ኡብዮት ሰልፊት እግል ወሰዶት፡ ብቆስ ክዳማት እግል ሂበት ወርክበት ወደማን ለቡ ንዝም እዳሪት እግል ልትአክድ ሐቀመ ገብኤ፡ እሰልፍ ሐረሰቶት እት መሐብር ዶል ልትክምከም ሌጣ ቱ ተጠውር እቅትሳድ ወእትሓያሱ ለመጽእ።

ክም መሰል ድወል አርቢ ምን እንሰኤ፡ ምን ኩሉ እትይ ሐርስ ለ50% ምን እትይ መሐብር ተዓውን ሐርስ ልትጃቀፍ። መሐብር ተዓውን ሐርስ እት ተጠውር ለህለዩ ድወል ቀደም ሕርዮተን ረክቦ ለአንበተያሁ ምንማቱ፡ እት ወራታት ሐርስ ወጠወሮት ብሩር ለረከብ ዐለ። እሊ መሐብር ተዓውን ሐርስ እንታጃ እብ መጅብ ተዐቡ ዶል ልትከሕ፡ ምን መካሰቡ ከሳሩ ትበዘሕ ነበረት። አግደ ለፈሽለ እቡ አሰብብ ህዩ፡ ፍክር መሐብር ምሰል ዐዋዲ ወለመድ ናይለ መጅተመዓት እንዴ ኢተአትመቃፊሕ እት ካጢ አህዳፍ ስዮሳት ብዕድ ልውዕል ሰበት ዐለ። እብ ጀህት ለካልኣይት ህዩ ንዝም እዳሪት ወተዓውን እግል መሐብር ሰኒ እግል ልራቅቡ ሰበት ኢቀድረ፡ ዝያደት እት ልትጨቀዋ ልሄርር ነበረ። እብሊ መሐሊኪት እሊ ህዩ፡ ተጠውር መሐብር ሐርስ ክምሰለ ለአትሐዘ ገዱ ቀደም እግል ለአሳድር ኢቀድረ። ገሌ ምን እት ሄራር ተጠውር ለህለዩ ድወልመ አስክ እለ እብ ተረርፍ ናይ እሊ ሃፍሽ መሐብር ተዓውን ልትዐዘበ ህለዩ።

መሐብር ተዓውን በህለት ሸክል ናይ መእሰሳት ብሕቶት ለቡ እት ገብኤ፡ እብ አንፋር መሕበሩ ልትቀወድ፡ ልትራቀብ ወምን እተዩ ለክሰሶ አንፋር እሎም ከምክም። ለዐበ ህደፋ ህዩ፡ ምን ርሕክ ቅድረት እንዴ አሰተብደ አስክ ጠወሮት ወአበርካት እትይ እቅትሳድ ለሸምል ገብኤ። ናይለ ድወል ብዕድ ተጃርብ እት ወግም እንዴ አተ፡ ሕፔት ወክድ ነሰእ ወዲብ ሕቡሉክ ተዩልል ነበር፡ ሓሊት ዐዳገ፡ ቀዋኒን ኤታን፡ እዳሪት ፈዳቢት፡ በሰር እዳሪት ወካፊ አርዛቅ ማልዮት

እግል ተጠውርል መሐብር አርደት ለልአጠፊሕ ሰበት ቱ፡ ሰርገል መትካም ወበቃዐት ለቡ መሐብር እግል ተአቂም ቀሊል ጋር ኢኮን። ለዲብ ተጠውር ለህለዩ ድወል እብሊ



ለግህደግናሁ መሐብር ፋሽል እዴ ትገብእ እትን ዐለዩ ወህለዩ። ለእግል ለዐውተክ ለቀድር ለሐሰ ሸክል መሐብር፡ መእሰሳት ብሕት፡ ናይ ሐቱ ዓይላት መእሰሳት፡ መሕበር ሐረሰቶት፡ ጀምሶዩት መጀልበት ዓለ ወረሰምየት ወኢረሰምየት ሸርከት ለመሰል ወራታት እቱ እንዴ አተንክብኩ ወቀደለ መሐብር እግል ተአትግብስ ትቀድር።

ለመሕበር እግል ድቡር ሐረሰታይ እብ እቅትትሳድ እግል ልትወቀል ወዲብ ገበይ ተጠውር እግል ልሄርር ለነፊዕ በሰር ክም ቱ ልትአ'መን ዲቡመ እትኢኮን፡ እብ ዓመት ዶል ልትቀደም እብ አግቡይ ሰኒ ልሄርር ኢጸንሐ። እብ ጀህት ብዕደት ልትከሕ እት ህለ፡ ለሐልፊ ታሪክ ወተጃርብ ክምሰለ ለአበርሁ፡ መብዘሐ አውካድ መሐብር እግል ድቡራም ሐረሰቶት ለጠውር መእሰሳት ሰኒ ክም ኢኮንመ ልትሸረሕ። እትሊ ክም አግደ ሰብሰ ለመጽእ፡ ኢህለዮት መቅደረት ናይለ ድቡር ሐረሰታይ ቱ። መብዘሐ ወክድ ሸቢ መቅደረት ማል ለቡም ሐረሰቶት እግል ዲብ ሱግ ለሳድፎም መታክል እግል ልትዐደወ ምሰዳር ለነሰኦ ወዲብ መሐብር ለልትክምከም ቶም። ለእብ ሕድት ሸርከት አው ብርክ አትያም ለዐለው ሐረሰቶም፡ እት መሕበር ክም አተው፡ እንዴ ረብሐው ሰብ ማል እግል ልግብኤመ ቀድሮ። ኩሎም አንፋር መሐብር ተዓውን ላቶም ሐረሰቶት ምሰል ሐቆ ሸቀው ሌጣ ቱ ድቁብ መሕበር ለገብኤ ወመናበረትላ ብሩር ለትትቀየር።

መሐብር-ተዓውን ክዝንት ሐሊት ለቡ ወእብ ማሉ ለልትመቃረሕ፡ ሕር እንዴ ገብኤ እግል ተጠውር ብሩር ረዩም ለክድም በሰር ሰበት ቱ፡ እብ ሕኩማት ወእብ መመውለት መእሰሳት ወመካዘማት ተጸደድ አው ሲናዶ ቡ። እብ ፍንቲት ሕኩመት እቅትሳድ ወተጠውር ናይለ መሐብር ለሰዴ ኤታናት ወቀዋኒን እት ተአፈግር፡ ሓለቶም እግል ትድሌ ወትሰደዩም ምን አውለውያታ ቱ። መሐብር ተዓውን ሐርስ እብ ብዘሕ መትካም እግል ልሸቂ ቀድር። ምናተ

እት መብዘሐን ድወል እት ናይ እቅትሳድ፡ መእሰሳት ወናይ ቃትን ተዩልል እሙር ሸክል አለቡ።

መሕበር ተዓውን ሐርስ ልትበህል እት ህለ፡ አንፋሩ ሕድ ዲብ ሰዴ ሕር እንዴ ገብኤው እት

ዐድን ለልትአሰሶ መሐብር ተዓውን ሐርስ ምን ገብኤ ወመጀልበት ዓሉ ለዋጅሆም መታክል ክም ህለ እንዴ አመረው እግል ሕሉሉ ለሸቁ፡ እት ሱግ መትጃግረት እግል ልግብኤ፡ እትይ ረሐም ለወቅሎ ወዲብ እቅትሳድ ወሱግ ደውለቶም ሐዘት እግል ተህሌ እሎም መስኢት ገብኤ እቶም።

መሐብር ተዓውን ክል ዶል እምበል ፈናታይ ቀባይል፡ ዲን፡ አሰል ወጅንሰ ለሸቁ፡ እግል ኩሉ አዳም ለልትክበት፡ እት ምራድ ኖሰ ለትአሰሰ እግል ልግብኤ ክም ቡ ዲብ እት ሰነት 1995 ዲብ መዲነት ማንቴስተር (ብሪጥንዩ) ለገብኤ እድንያይ መእተመር መሐብር ተዓውን ሐረሰቶት ዕሉን ቱ። መሐብር ተዓውን ሐርስ እቅትሳዴ እንዴ ዜደ እት ደረጃት ውቅል በጽሐ ምን ገብኤ፡ ለሰብኡ ዲብ ፈደራልያይት ህይአት እግል ልጠወሩ ቀድሮ።

መሐብር ተዓውን እብ አንፋሩ ለልትራቀብ ዲሙቅራጥያይ ሸክል ለቡ፡ እት ሐደዶት ኤታን እቅትሳድ ውበዕድ ምህም ቀራራት ሰኒ እግል ትሻርክ ለልአትናይተክ ጠባይዕ ቡ።



ቅያሰ ፈርያት መጦርለ ዐውል ሱግ እግል ልትጃገር ዶል ኢደቅብ፡ እትይ ዶል ልውሕድ፡ ለትትሓበዩ አሸዩእ ክም ሸፍር-በሰር ወዘርእ ዶል ቀ'ሌ፡ ክምሰልሁመ ሰልፊት እት ወክደ ኢትረከበት ምን ገብኤ፡ ጠባይዕ መታክል ሕበር ለቡ መሕበርቱ እግል ኒበሉ እንቀድር። እሊ ግሙጩይ ተዩልል ዐዳገ ወመሻክል ሕበር እግል ልባልሐ ለሐረሰቶት እግሎም ለልአከሰብ መሐብር ብዕድ እግል ለአሰሶ ቀድሮ። እት

ሸክል ወመትካም ከአፎ እግል ልግብኤ ክም ቡ፡ እሰወ አህዳፍ እግል ልከምክም ክም ቡ፡ እት ኤታን ለልአቱ ወራታት እሰወቱ ወእብ አውለውያቱ ለልብል አሸዩእ እብ አንፋርለ መሕበር ልትቀረር። እሊ መሕበርም ዝያደት እትይ ረክቦ ምን ገብኤ፡ አተላላይ ናይለ መሕበር ተዓውን እግል ልትደ'መን ለዝያደትላ ማሎም እት ተጠውርለ መሕበርም እግል ለአውዑሉ አውመ እግል ብዕድ መሳልሐም

ክም አመንደት እግል ልክረወ ቀድሮ። ክምለ በዲር እንበሌ ህዩ፡ እት ወክድ መክሰብ ወክሳር አንፋሩ አክልሕድ ሐዘት ክም ተህሌ እሎም ከድም።

መሐብር ተዓውን ሐርስ እብ ኖሱ ለልትመቃረሕ ሕር መእሰሳት ቱ ልትበህል እት ህለ፡ ንዝም እዳሪቱ እግል ለአደቅብ፡ መቅደረት አንፋሩ እግል ልወቅል፡ እተዩም ለተምትም አሸዩእ ምን ቀዳሞም ወግም ሂበት፡ ምሰል አንፋሩ ወአንፋር ናይ መሐብር ብዕድ ሐብሬ ክም ልትባደሎ ወዲ ወምህሮ እግል ልጃን፡ ሸቃላሁ ወአንፋሩ ለልህይብ ቱ። ምርት መሕበር ተዓውን ምሰል ክምሰልሁ ብዕድ መሕበር እት ልትፋህም ዲብ ናይ ቀብቱ፡ ናይ መንጠቀቱ ወእዲን ጋራት ሸቅሉ እት ልትሳዴ፡ ለሐሰ ክዳማት እት ለህይዎም፡ አንፋሩ ገናዐት ክም ረክቦ ወዴ። አርዛቂ እምበል ፈናታይ እት ኩሉ መጅተመዓት አስክ ዲብ ደገጊትላ ደውለት ክም ልትባጸሕ ከድም። እግል መዋዋኒን ምን ሐገሌብ ለባሌሕ አብዮት ሸቅል ከልቅ፡ ድዋራቱ እግል ኢልክሰሕ ህዩ ክል ዶል ለራቅብ ወለልዐቅብ እግል ልግብኤ ወጅቡ።

መሐብር ክምሰለ ብዕድ መእሰሳት ትጃረት ለዐባዩ እት እቅትሳድ ልትንከበመ ድኢኮን፡ ምን ኬሰአት ማል ለብዕድ ለፈንትዩ ጋራት ህለ። ኬሰአት ማል መእሰሳት እብ ሸርከት ለልትአሰሰ መእሰሳት ዐቢ እት ገብኤ፡ አግደ ህደፋ መክሰብ ወቀሎት ሌጣ ቱ። ለሸቁ ቡ አግቡይመ እግል ሰብ ሸርከት ሌጠ ለራዴ ቱ። ዝያደት ሸርከት (ብርክ) ለቡ፡ ዝያደት ክድመት ረክብ። ሐድ ሰበት አለቡመ ህዩ፡ ዐውል ናይለ አብረኩ (ሸርክቱ) እግል ልባድል ቀድሮ።

መሐብር ሳኪን፡ ኩሎም አንፋርም እብ ሐቱ ዕን ወሐቱ ክርን ክም ሻርቡ ወዳ። ህደፎም ህዩ መደት ረዶም ለልአተቀብል ቱ። መትካፋል ማልመ እብ አንፋር ክም ትናቀሽ ልትቀረር። እሊ ህዩ፡ ለልትባደል ጠባይዕ ክምሰል አለቡ ለአርኤ።


አሃብተማካኤል ወልዱ ተርጀመት፡ አድም አቡሐሪሽ





ሐርብ ምን ዕልም ወለዐል

ሐይብ ምን ዕልም ወለዐል ብሰረቱ



ብሰር ቱ

ዲብ ክታብ ካቲመ፡ ጀነራል
ፊሊጶስ ወልደዮሃንስ እብ ሰበቅ
ኣብሳር ወፈን ሐርብ ለከሰስ
“ሐርብ ምን ዕልም ወለዐል ብስር
ቱ” እብ ልብል ኦርእስ ለኮትቦዩ
መውዱዕ እግል ንትናወል ቱ።
ከእግል ዮም ካልኣይ ክፈል
ልተላሌ።

ዲብ ክኢን ሓለት፡ ኣነ ወዘያደት ቦሎላኒ ዐሊ ማንኛስ ወመኮነን ተክሌ (ገብጣን) ኣሕድ ኻወርኩ። ኣስክ ሕዳቅ ኣስክ ቦሎላኒ 44.3፡ ሓቲ ቦሎላኒ ወህታመ ዲብሊ ናይ ሓምስ ኣምዕል መዓርክ መሪር ኣስትሻሃድ ቃሊ ለደፍዑት እንዲ ጸቡዋክ ተቅዩር እግል ልምጸኢ ክምሰል ኢቀድር፡ ለምሮ ሓል ወተቅዩር እግል ለኣምጸኢ ለቀድር ሕርያን፡ ለወዴክ እንዲ ወዴክ ኣት ከርሰ ከጥ ኣባይ እንዲ ትሰለልክ ዲብ ኣካነት ቅያደት ካሰ ገብረማርያም እንዲ ኣቲኩ፡ እግል ቅያደት (Commnad post) ፈንጠሮት ክምሰልቲ ዲብ ክላሰት በጽሐነ። ለፍክር ሰኒቲ። ምናተ ክምሰል ሓካኪቶ ወዕለ ኣነጺት፡ “ ዲብ ሰጋድ ድሙ መደወን ኣሲርዲ ሰኒቲ ላኪን ለመደወን ምን ልኣሰሩ?” ለልብል ሰኣል እግል ልምጸኢ ላብድ ዐሊ። እግል ልትበለሰ ለቡ ሰኣልቲ ህዩ።

እንክር ቅብለት ለዐለ አካናት፤ አባይ ለጸብጦቹ ወአግሎብ ሰበት ቱ፤ ገጽ እት ገጽ ዲብ ትትሓረብ እግል ትፍገር እቱ እስትሸሃድ ብዙሕ ለጠልብ ቱ። እብሊ እትጀህ እሊ ለተሐልፍ እበ አካን እግል ትትረከብ ክምሰል ኢትቀድር አኪድ ዐለ። እብ ጀህት ምፍጋር ጸሓይ አባይ መዳፍዑ ለተክለ እቱ፤ ሴፋሁ ለገርት እብ፤ ሙጀርሒት ለልትከበት እተ አካን ዲብ ደብዐት እሱስ ሰበት ዐለ፤ ምን እምእደኔ አሰክ ደብዐት አምዕል ወላሊ እብ ግዲደን ሐረከት አባይ ለኢተአትካርም እቱ ድምራት ዐለ። እብሊ ልግበእ ወእብ ሎሂ ላኪን፤ ለሔሰ ሕርያን እብ ጀህቱ ሰበት ዐለ፤ ዲብለ ሕርያን ለህይ ወደቅ።

ቀደም እሊ ሐደሰ እሊ ሐድ

አርበኛ ሰነት ገብኧ (1975)፡ ጥያራት
ሐርብ አቶብ ዲብ ብሌቃት
እንዴ ቀዝፊያ ገሌ አሰለሐት
ክምሰል አንደደየ ምኒኑ፡ ቅያደት
ቅዋት አሸባብ፡ ቅሰም እምዳድ
አሰክ ደብዐት እግል ልግዐዝ ሰባት
ቀረረት፡ ዲብ ደብዐት ለዓል፡ ዲብ
ሕግሰ ናይ እሊ አዜ ንትሃኔ እቡ
ለህሌነ ደብር እምእደኔ (አካን
ቅያደት ኮሎኔል ካሳ ገብረማርያም)
ቱ ለገዐዘ። ዲብላ መደት ለህ አነ
ነፈር እምዳድ ሰባት ዐልኮ ለጥነት
ሰኒ አምሩ ዐልኩ።

ልትዘከረኒ። ዲብ ሰነት 1975 ነቅፈ ትዘበዋ እት ህሌት፣ ምን ደብዐት እንዴ ትበገሰነ። ዲብ ነቅፈ ለዐለየ ቅዋትነ። መፈጀራት ነአበጸሐ እለን እት ህሌት ምስል ሐመድ ካሪካሬ ወገሌ ጅማዐት ክምስል ጊሰነ። ሙሰ ራብዐ “እግል ዶሉ እንሰ ሐደጎ እግልነ” ቤሌነ። እብ አንፋር እምዳድ ሰኒ ፍቱያም ለዐለው አግማል - ሸግራይ ወፋንቶም ህዬ እግል ጅማዐትነ ሐደግናሆም። አካነትነ ክምስል አቅበልነ ናይለ ወቀት ለህይ መስኩልነ ሼክ ዑመር ሰኒ ሐርቀ። ከፎ እንዴ ወደ ህዬ እግል ልፍረሕ? ለአግማል ክል ምናም ሰለሰ ኩንታል ለረፈዶ፣ ምስል እሊ ምን አዳም ወለዐል ለተዐለመው። እብ ላሊ እብ ክርስ አባይ “ዓዕ” እንዴ ኢልብሎ ለለሐልፎ፣ ዲብለ ስዱድ ናይ 1973 ናይ ገረግር ሱዳን ሐርብ፣ ጀብህት ክምስል ክርደነተነ። አንፋር እምዳድ እብ ዕን ሾመት እንዴ ሐልፈው መፈጀራት እንዴ መስከው እተ አቅበለው እቱ ወክድ፣ እተ ዐመልየት ለወዐለው አግማልቶም ለዐለው።

እተ ወክድ ለሀይ ሺክ ዑመር፡
እግልዬ ወእግል መሕሙድ፡
ሸኔን፡ “አዜ-አዜ እብሊ ደብር
እምእደኔ እንዴ በተክኩም፡ ነቅፈ
እንዴ ጊስኩም እግለ አግማል
ትበለሶም” ቤሌን፡ ምን ደብዐት
ለዓል እንዴ ትበገሰነ ዲብ ሰር
ደብር እምእደኔ ክምሰል በጽሐነ፡
ብለቅ ዐባዩ ወሐብዓት ሐሊፍ
ሰበት ከልኤነ እንክር ቅብለት
እንዴ ጠዌነ አስክ መሓዝ ሕዳቅ
ትከሪን፡ ምን ሐዲስ እሊ ነህድግ

እቡ ለህሌነ ሶቦሎኒታት 44.3 ወ23.3 ሻፋት እቱ ለዐለየ አነናት እንዴ ፈገርነ አስክ አግረዕ ደነኝ። እግል እምእደኔ እተ መደት ለሃቱ እግል ሰልፍ ወቅት ለአመርኩዎ። እምእደኔ እብ ዕጨይ ወግሬ ወተሰሰ ጅንሰጅንሱ ናይ አውለት ዕጨይ ለትገልበበ ደብር ሰበትቱ። ንትብገሰ እት ህሌነ፡ “ማይ ክምሰል ምራድክ ልትረከብ እቱ ገብእ” ምነ ልብል ወግም እምበል ክፋፍነ ክምሰልሁ ምር በራድ ወክልኤ ክበዩት ወሐድ ሸከር ብዕድ ለገብአት ሓጀት ኢነስአነ። እተ ገበይነ ምር አምበርሀጋይ እንዴ ቀተልነ “ማይ አስክ እንረከብ ንርፍዑ” እምቤ ከእንዴ ጹርናህ ሄራርነ አተላሌነ። ለመደት ወሬሕ ሐምስ ወስሰ ሰበት ዐለ ላኪን ማይ ምን አየ ልትረከብ። ባካት ሳዐት 12:00 አደሐ፡ ጸሓይ ሰበት ጨፌተነ ወሰበት ደየርነ፡ ዲብ ሐቱ በዐት እግል መደት ክልኤ ሳዐት ዓረፍነ። ምድር እንዴ ኢጸልምት እትነ ህዩ እግል እንረፍዑ ለዐልነ አምበርሀጋይ እንዴ ለከፍነ ገበይነ አተላሌነ። ክምሰለ ጌመምናህ ማይ



እንዴ ይእንረክብ ወነብረ እንዴ
ይእንበሌዕ ብዙሕ ሰበት ከልኣነ
ዕንታትነ ትሳረቀ ወኣብራክነ
ሀለውኣ ገብኣ።

40ት 7:30 ናይ ላሊ አግረሰ
 በጽሐክ። “ሚ ኒዴ?” ዲብ ንትብህል።
 ሱድፊት ንብሓት አክላብ ሰባት
 ሰምዐነ ዲብለ ባካት ዐድ ክምሰል
 ህሌነ ፈሆምነ። ወዲበ ዐድ
 ገንገኡ። ዲብለ ዐድ ለጸንሐውነ
 ሰብ እግል ኖሶም ካፊ ማይ
 ዶዐለ እሎም። ምን ረደምቱ ማይ
 ለወርዶ። እግለ ዐለ እሎም ማይ
 ምሰል እንዴ ተሓወልነ ምስሎም
 ትመዩ። ለመጸለነ እበ ገበይ
 ክምሰል ሐበርናሆም ገበይ ክምሰል
 ትጊጊነ እግል እምእደኔ እብ ጀሀት
 ግብለቱ ማጽኣም ምን እንገብእ
 ለሐሰ ክምሰል ዐለ ኣመርነ።
 ለገበይ ወለ ቀሊል ጾር ለረኖዐ
 ገመል ክምሰል ተሓልፍ። ማይ
 ሕዳቅመ ዲቡ ክምሰል ልትረከብ
 ሐበረውነ። ፈጅራተ ምነ ኣካንነ
 እንዴ አግወሕነ እብ ሕመድ-
 ደቤለ ኣስክ ጡብረ (ነቅፈ) ፈገርነ

ወእግል ሙሰ ራብዐ እንዴ ረከብነ
ምስሉም ትመዬን። ለእንፈትዮም
አግማልነ እት እንዋሌ ህዩ አስክ
አካነትነ አቅበልን። ዲብ እቅባለትነ
ፊጋን እንዴ ሰይሐነ እበ ተሐበረተነ
ገበይ እምበል ለገብአት ትግበእ
ምሽክለት አስክ ሕዳቅ ትከራን።
ላመ አሰልፍ ሻክፋም ምኑ ለዐልነ
ምፅዋን ሕዳቅ ወረድናሁ።
አግማልነ እንዴ አስቴነ ዲብል
ጋምል ደብር እምእደኔ እብ ግብለት
እንዴ ጠዌነ አካነትነ አቅበልን።
ቅብለት ወቅብለት ምፍጋር ጸሓይ
እምእደኔ በገ፡ እተ ወክድ ለሀይ
ወግራሁ ዲብል እንወድዩ ለዐልነ
ፊራርታቱ ፈሳይል ለለሐቤዕ
ወዲብ ሒን ከረም ህዩ አግል
ለለአከርም እቱ አብዓት ክምሰል
ቡ ሰኒ አምሩ ዐልኮ።

* * *

ዲብ እል ራፍዓመ ለህሊነ መኖሪያችን በገጽ አንድ ሆኖ ትብብር አስከ እምደኔ ራገር ክምሳል ኢልትቀደር ክምሳል አከድን። ለሐል አስከ ምፍጋር ጸሐይ እምደኔ ወዲብ ለህሊ አብዓት ቱ ለወደቅን። ሰበት እሊቱ ሆይ፣ ሐቱ

ፊሲለት ፈዳቢት እብ ላለ እብ ቅብለት ምፍጋር ጸሓይ እምእደኔ ትትለበስ እንዴ ትመዬት ምድር እንዴ አጸብሐ፡ ዲብለ በዲር ለአምሩ አብዓት እግል ትትሐበእ እት ክላሰት በጽሐነ፡ ዲብ እለ መሃም እለ ወልደኣብ ለልትበህል ቃእድ ፊሲለት እግል ልትበገበ ሐሬነ፡ ለተትሐከ ሐብሬ እንዴ ነስኦ ፊድዮ እትሳል እንዴ ተሀየቡ፡ ፊሲለቱ እንዴ ነስኦ ትበገሰ፡ ዲብለ


በዐት ክምሰል በጽሐ፡ ፊድዮህ እንዴ ከሰተ እብ ክርን ድህር ሌጠ እግል ልራቅብ ዲኢኮን፡ “ሀለው” እግል ኢሊበል፡ ለአካን፡ ሴፊ፡ መፈጀራት ወመጀርሐን እግለ ጎርቶ ዐሳክር አባይ ገበዮም ሰበት ገብአት መዳጋግ ዛይድ እግል ሊደው፡ አካነቱ ክምሰል በጽሐ እግል ለአክድ እግልነ ህዩ፡ ፊድዮ እንዴ ጨቅጠ እምበል ህግዩ ሰለሰ ዶል “ቱሽ!ቱሽ!” እግል ሊበለነ ትፋህምን።

ፊሲሊት ወልደአብ ትብባሰት።
ሳሊ እብ ግዲደ 6-7 ሳዐት ለገብእ
እብ አግሎብ ትትለበስ እንዴ
ትመዌት ጽብሕ ምድር እበ ወዳቱ
እግልነ ናይ ፊድዮ እትሳል እሻረት
አካነት ክምሰል በጽሐት አከድኝ።

አባይ ለናይ እስጋፍ መቅረደቱ (ረዘርሽ) እብ ተማመ፡ ዲብ ባካት አካነት ቅደደት ካሰ ገብረማርያም ክኩት ሰበት ዐለ፡ ፈሲለት ወልደኣብ ዐመልየት እግል ቲዲ ሱድድቱ ለዐለ። እበ ዐለ እለ መቅደረት ህጁም ምዳድ እንዴ ወደ እግል ለአጽድፈ ለለካማሙ ኢኮን ለዐለ። ሰበት እሊ፡ መጥ-መጦር እለ ዐመልየት እብ ቅብለት ገጽ እት ገጽ ጨቅጥ ድቁብ እግል ልግበእ ዐለ እሉ። እግል እሊመ ሰታት አፍገርነ እግሉ። ለፈርግ ፈሲለት ወልደኣብ ለደቀበ ሄራር ወዐመልየት ሐቲ-ረኣሰ ፈሲለት ምን ጅማዐተ እንዴ ትከረመት እት ክእነ ናይ ሞት ወሐዮት ዐመልየት እግል ትእቲ ምሽክለት እተ ሳድፈ እቱ ወክድ ለረደኣ ለአለበ ክምቱ እመር ዐለ። ለእብ ጀህት ቅብለት ለለሀጅም ላኪን፡ ቦጦሎኒ ታመት እት ገብእ፡ ኢትሰርገለትመ ምንገብእ ለተኣንሰሐብ እተ አካን ዐለት እሉ። እለ እብ ቅብለት ለተሀጅም ቦጦሎኒመ ዲብ ሕግሰ ድፊዕ አባይ ሰሩ ስርየት ካምለት፡ ሰሩ ፈሲለት ካምለት ለለሐቤዕ ኣብዓት እግል ልትረከብ በክት ዐለ።

እብሊ አሳሳ እሊ፡ ክልኤ ሰርዮት
ወክልኤ ፈሲለት ናይ ቦሞሎኒ
44.2፡ ክምስልሁመ ጸጋይ መሓሪ
ለመረሐ፡ ብራውን ለተዐንደቀት፡
ሐቲ ፈሲለት ናይ ክቡድ ስለሐ
76፡ እብ ላሊ ለፍንጌን ወፍንጌ
ኦባይ ለዐለት ምምጫት ገባይ

ዲብ ገጽ 10 ልተላሌ....



ሕመም መትረባሽ ዐቅል ንትሃን እቡ፡ ስቅራት እድንያይት ምዕል ዓፍየት

ሕመም መትረባሽ ዐቅል (depression) አሮ ምነ እሙራም ሕመማት ገብእ እት ሀሉ፡ አስክ ሐድ 10% ምን ዓም ሽዑብ ዐለም ለበጹሕ መትኻሻር ክምቡ እድንያይት መዝመት ዓፍየት ተሐብር። ዲብ ኩሉ ዓማር ህዩ ሐድ 350 ሚልዮን ሽዑብ እብሊ



ሕመም ዐቅል ልትዐዘብ። ለዐባይ ሽቀላት ወጸር ሕመም ዐቅል ላኪን መትረባሽ ወብዕድ ሕመማት ዐቅል ዶልክ እት ወስክ ገይሰ ሀለዮቱ ቱ። ድራሳት ክምሰለ ለሐብሩ እት ሰነት 2020 ሕመም መትረባሽ ዐቅል ምን ኩሉም ሕመማት ዐቅል እት 2ይት ደረጃት እግል ልትረተብ ክም ቀድር ለአሽር ህለው።

ሕመም መትረባሽ ዐቅል ምን ዲብ ውላድ ተብዕን ዲብ አንሳት እብ ክልኡት ዕጹፍ ዘይድ። ለምን ኩሉ ትሻቅል ህዩ ምን 15-29 ሰነት ለዕምሮም ሽባን እት ቀቢድ-ኖስ (እንትሓር) ለአትሻክቶም ምንገብእ ቱ። መዝመት ዓፍየት እዲን ምን እሊ እንዴ ትገባሰት ናይ ዮም ዓመት ሰቡዕ አፕሪል እድንያይት ምዕል ዓፍየት “ረብሽት ዐቅል ንትሃን እብ” ለትብል ስቅራት ለሀረሰት። ድወል ዐለም እግል ልሀደገ እቡ ወገብይ ሐል እግል ልቅፈረ ለትመቅረሐ ረድ ፍዕል እግል ለሀባ ህዩ ትላኪት።

አግደ አሰባብ መትረባሽ ዐቅል እግል ልግብእ ለቀድሮ፡ ምን ውርስ ለለዐዴ፡ መትሐምራግ ከሚካላት ገሮብ፡ ሕዳን መቀዝያት፡ ለትፈናተ ዐዋምል ነፍሰየት ወስተይ ከምረት ቶም። ገሌ ምነ አግደ አሻይር ሕመም መትረባሽ ዐቅል ለልትባህሉ ህዩ መትረባሽ ዐቅል፡ መትደበእ ሽንህት ነብረ፡ ወሰኮት አው አንቀሶት ከባደት ገሮብ፡ እብ ዘንብ ሐሰሱ ዶልክ ለለትቀባብል ሽዑር ቀቢድ-ኖስ፡ ሐዋኒት ረቅብት ጅመዕ፡ ገሀይ፡ ቡቲክ ሰእየት፡ ውብዕዳም።

ሕመም መትረባሽ ዐቅል (ዲፕሪሽን) እብ ሕክምነ እግል ልትሳፊ ለቀድር ዲብ እንቱ፡ እት ብዝሓት ድወል ሕክምነ ዐቅል ለረከቦ 10% ሌጣ ቶም። አግደ ህዩ እብሊ ሕመም እሊ ለትረከበው አንፋር መሻክሎም እንዴ ፈሀመው ሐያቶም እት ገበይ ደሐን እግል ልዋልወ እብ ዛህር ምስል ዓይለቶም ወለቀሩባም እግል ልትሃገው እቡ ወጅብ። እት ሐኪም እንዴ ጌሰው ለትቀረረ እሉም ደወ እብ ዋጅብ

እግል ልንሰእዎ ቦም። ሕመም መትረባሽ ዐቅል/ዲፕሪሽን እት ብዝሓት ምን ሙጅተመዓት ሰበት ልትረኡ “ግንፈእ ዐቅል” ለትብል ስሜት ክርስ እባመ ልትአመር።

ምን ገባይል ብዕድ እብሊ ኢልትፈንቱ እሊ ሕመም እሊ እት ዐድናመ ሰበት ህሉ፡ ውዛረት ዓፍየት ምስል መአሰስት ውቁል ተዕሊም እንዴ ተዓወነት እብ ምህነት ዳወዮት ሕመም ዐቅል እብ ደረጃት ዲግሪ ለልትደሐሮ ምኡምረት ተዐልም ወእት ኩሉ አቃሊም ዐድነ ክድመት ተሀይብ ህሌት። መርጀዕየት እስብዳልየት ሕክምነ ዐቅል ህዩ ደወ እብ ለሀ ዲብ ተሀይብ ለትትሐዜ መታበዕት ትወዴ። ሰበት እሊ አሻይር

እሊ ሕመም እት ነፍሱ ለረኡ፡ እት ለአኪት ደረጃት እንዴ ኢበጽሕ እትለ ተአሰትህሉ አካን ሰራይ እንዴ መጽእ መርመረ እግል ሊዴ፡ ለወጅቡ ደወ እግል ልንሰእ፡ መታበዕት፡ ሐብሬ፡ ምክር ወነሲሐት እግል ልርኩብ ክም ቀድር ውዛረት ዓፍየት እብ መናሰበት እድንያይት ምዕል ዓፍየት እት ሓለፈተ ልእኩት ሐበረት።

መትረባሽ ዐቅል ምን አከይ ንዩት ለለሐልፍ እትለ ትፈናተ ዕምር አደሚ ለሳድፍ፡ እት ነፍስ ኢመሰኩብት፡ ወጀዕ ወሐዋኒት ቅድረት መትሐምራ ናይ ድዋር ለሰብብ ሕመምቱ።

ድራሳት ክምለ ለአክደ አንሳት ምን 15-25% እብ ሕመም እግል ልትጸበጠ ቀድረ ዲብ ህለየ ተብዕን ህዩ ምን 10-15% ልትጸበጦ። እት ነፍሱ ለጀሬ መትሐምራግ ሚዛን ኒሮ ትራንስሚተርስ ለልትባህሉ ከሚካላት ዓሳብ አሮ ምነ ዐባዩ አሰባብ ክምቱ እሊ ድራሳት ሐዲስ ለሐብር። ሕመም መትረባሽ ዐቅል እግል ብዕድ ሕመማት ክም ከረ ሕመም ልብ ወእድዐፎት ሐሊት መዳፈዕት ቅሉዕ ወዴ።

እምበል እሊመ መቅሬሕክ ምስል ዕያል ወጼወ፡ መሻቂት ወመሳኒት ሰበት ለአኪ ወእት አዳም ለኢትብይእ እንዴ ወዴክ መንበሮ ለአመርር። ዐቅል ለትሽፊ ሰዳይት እት አጊዳት ኢትረከበት ምንገብእ ህዩ ለሓለት ዲብ እንተሓር ሰበት ትዳርክ እብ ሐጊል አርወሕ እግል ተአክትም ትቀድር።

ከነፈር እብ አከይ ኖስ ወመትረባሽ ዐቅል ልሽዕር ህለ ምንገብእ ምስል ዓይለቱ ልግበእ ወመሳኒቱ ወአቃርቡ እግል ልትሃን ወግማቶም እግል ልሕዜ እግል ልቅደር ህለ እሉ። እሊ ለጨቅዋ እግል ለአቅልል ምኡ ወእብ ራሐት ክም ልሽዕር እግል ሊደዩ ቀድር። ሰምዖ ዶል ረክብ ሐብሬ እግል ልርኩብ ወእት ሐኪም አው ምኡምራይ ዐቅል እግል ሊጊስ እግል ልትናየት ሰበት

ሰዴ ራድኢት ሻፍገት እግል ልርኩብ ገበይ ለሀይቦ/ክም ትትረኡዮ ወዴ። ለእቶም ገይሰ ሐካይም ህዩ ናይ ነፍስ ወዐቅል ሰበት ገብአው ሰኒ እግል ልፍሆመ ቀድሮ። እለ እንዴ አመርነ እንዴ ይእንፈርህ እምበል ተሐፋዝ እግል ንትሃን እቡ ብነ አዘም እትለ አኪት ደረጃት ለለአበጹሕ ቁትላይ ቱ።

አሻይር መትረባሽ ዐቅል ለአግደ እሻረት፡ ለነፈር ዲብ ገሀይ ትሩድ ልትሸመም ወ “አነ በዐልሚ አነ” ለልብል ሽዑር ደውር እቱ

ገሌ ህዩ ፈተር ኢተሌ ወመጸጸት ናይለ ትፈናተ ገሮብ ክም ዒዳት፡ ነሐር ውብዕድ ልትሰምም

ገሌመ መትኻክደት ወእግል ቀሀር እት ቅሩብ ጸንሐ

ሕመም ዐቅል እግል ኩሉ ገሮብ እብ እኪት ሰበት ለአሰር እቱ ለትኬለመ መሻክልመ እግል ለህሌ ቀድር።

ገሌ ምነ ብዙሕ አንዋዕ መትረባሽ ዐቅል

እብ መትረባሽ ዐቅል ለትፈናተ ሕመማት ነፍስ እግል ልእቱነ ቀድር። ጨቅዋ ወመትረባሽ ዐቅል ለነፈር እት ሐኪም ዶል ገይሰ አጊድ ለልትፈረግ እቱ መረድ ቱ።

ለነፈር እብሊ ሕመም ለጽቡጥ ጠዕም ሐያት ኢትትረኡዩ፡ ኢረክዝ ወልብ ክሩይ እግል ለህሌ እሉ ኢቀድር፡ ሐሊቱ ታክመት ትገብእ፡ ሽንህት ነብረ ትብዴ ምኡ ወሰካብመ ረይመ። ነፍሱ እብ ዘንብ ትሸዕር ወሰእየት ለልቡለ ቡትክ። መራረት ሐያት ሌጠ እት ለአትዋይን እብ እንተሓር ፈክር።

መትረባሽ ዐቅል አክልሕድ አሰባብ እሙር እንዴ አለቡመ እግል ልትረኡ ቀድር። ዲብ መንበሮህም ሰኒ ዕወታም ወሳክባም ቃሰናም ላቶቶም አንፋርመ ዲብ ሳድፎም ልትረኡ። አመተ ኢለአምሮ ገሌ ክቡድ አሸያእ እንዴ ሳደፈዮም እት ከብደም አዝመው እቡ ምንገብእ ከእብ ፈግሮ ምነ ገበይ ዶል ትጠየን እቶም መረባሽ ዐቅል እግል ልምጽአም ቀድር።

ሓጀት ምን ሐጅመ ወለዐል እብ አክበዶተ ለመጽእ መትረባሽ ዐቅል

እሊ ህዩኒ እግል ትሳድፎ መሸክለት ምን ቅያስ ወለዐል ሚዛን እንዴ ሀበየ ክምለ ለኢትፈተሕ



መሰአለት ለዐልብ ከዲብ መትረባሽ ዐቅል ልትካፊ። እግል መሰል አሮ ምን ሽቅል ፈግረ ምንገብእ፡ አው ዲብ ዕላቀቱ ናይ ዕያሉ አው ፍቲ ፈሽል ዶል ሳድፉ ምንኪን ሞት እንዴ ወደ ዶል ልርእየ ዲብ ሕመም ዐቅል እግል ልትካፊ ቀድር። ሰደ ለሐልፈት ሽቀላት ወዴ፡ ሽንህት ነብረ ለአብዴ ወትርሃን ነሰኡ ከለሐምም።

እለ ሓለት እለ ምን አሳቤዕ አሰክ ሰኖታት እግል ትጽኒሕ ምስሉ ሰበት ትቀድር ሰዳይት ሓኪም ዐቅል ተአትሐዝዮ። ሰዳየት እት እዋነ ሐቅ ረክበዮ፡ ለቀድየት ቅያስ እግል ለሆቡ ሰኒ እግል ልሰከብ ወልትመወን ለሰዴ ምክር ወሐብሬ ሰበት ረክብ ምነ ረብሸት ዐቅል እግል ልትባለሕ በክት ፋዬሕ ቡ።

ሐቅ ውልደት ለሳድፍ መትረባሽ ዐቅል

ለኢትብከረየ ሐራሳት እት ተጅርበት ሐዳስ ለአተትየ ሰበት ህለየ 50% ምነን እብ ከፊፍ መትረባሽ ወሽቀላት ክም ልሽዕረ ልትሐበር። ልብ ልትሻቀል፡ ሰካብ ለአቤ እለ ወፈተር ልትሰመዐ ንዩተ ሕጭር-ሕጭር ትብል። እሊ መሰል ሽዑር ሰዶታት አው አምዳላት እግል ልክለእ ምስለ ቀድር። ገሌ 10% ለገብእ ምነን ላኪን ሓለትለ መትረባሽ እግል ትክበድ ዲብን ትቀድር። እለን ሓርያት ናይ ክል ምዕል ሓያተን እግል ልምረሐ ሰዱድ ገብእ ዲብን። ፈርሀት፡ ሽቀላት ወገሀይ እምበል ሰብብ እግል ለአርእየ፡ አጊድ ለሐርቀ፡ ዐቅል ለአጸበ ወዶል-ዶል እግል ልትነፈዝ ወልበሀርረ ቀድረ። ሰዶታት ነብራህን ወሰክበን ልትሐባበር እተን። እት ሰኒ ሕዳት ህዩ ምን እሊ ለትከሌመ ምነ ሐቂቀት ለፊመ ተፍኪር ወሀገጊት ልትረኡ እተን። እሊ መሰል አሻይር ለተአርኤ አጊድ ዲብ ሐኪም እግል ቲጊስ ህለ እለ። ኢተኣክረት ምንገብእ ለሕመም አጊድ እግል ልትሳፊ ለቀድር ቱ። ለምስለ ህለው ሰብእ ውቀት እንዴ ኢለበዱ አካን ሐኪም እግል ለአብጽሕወ ህዩ መሰኡልየት ዐባይ ቦም።

Bipolar mood disorder እሊ ሕመም ለህለ እቱ አዳም ምነ ዓዲ ወለዐል ነሽዋ፡ እንዴ ኢፈዋን ምስዳር ነሰኢ፡ ህግያሁ ሻፍገት ትገብእ፡ ለአኪት ደረጃት ዲብ ዶል በጹሕ ህዩ ህልወሳት ለአርኤ። ህቱመ በዲር እት ሐኪም ልብጸሕ ድኢኮን ደዋሁ ቡ።

እብ ዓመት እብ ሕመም ልግበእ ወቱለል እድንዩ ዐቅሉ ለትምተመ ነፈር እት ሐኪም ወምኡምራይ ነፍሲየት በጽሐ ምንገብእ

እግል ልትዳዌ ክም ቀድር እግል ንእመን ብነ። ሐቲክ ክምለ አሻይረ ወሓለተ ትሳፊ።

ለምኡምረት እት ክእነ መሰል




ሰዳይት እንዴ ወደው አዳም እት ጠቢዕየት መንበሮሁ እግል ልብሎሱ ልትጀሀይ። ተቅዩር ናይ ፈሀም ወጠባዩዕ ክም መጽእ ልትጸገሞ፡ ጋሪት እብ ራትዐት ገበየ እንዴ ፈሀመየ ክም ዋጀህ ወዱ።

ሕድ ለመሰል መሻክል ለቦም ምስል እንዴ አመሕበረው ክም ልትሃጀኮ ወምን ሕድ ተጃርብ እት ነሰኦ አፍካሮም እንዴ ፈይሐ ወዕላቀቶም እንዴ ዜደት ገበይ ለእብ ፈክር ክም ትፈይሕ ወዱ።

ድድ መትረባሽ ዐቅል ደወ ለሀዩቦም። እሊ ህዩ እት ሰካብ ሰድዮም ወሽንህት ነብረ ፈቲሕ እሉም፡ ሽቀላቶም ለአነቅስ ምኖም ወነፍሶም ዕርፍ እግል ትርኩብ ሰድዮም። ለደወ እግል ኒሮትራንሰሚተራት ለሕሙሩግ ህለ ከሚካላተን እት ሚዛኑ እንዴ አምጸኦ ሽቀለን ክም ሰኒ ወዴ። እሊ ደወ ነቲጅቱ ምን ሐቲ ሳምን አሰክ አርበዕ ሳምን እብ ሰኔት እግል ትትረኡ ትቀድር።


መሪድ ዐቅል ለህለ እለ ዓይለት አው ብዕዳም ሬፍዐት ሕሙም፡ ገበይ ለእብ ልትመቅርሕዎ ሰበት ትብዴ ምኖም ለአምር ቀሊል ክም ኢኮን እሙርቱ። ሙጅተመዕ እብ ሰበት እሊ ሕመም ፈሀም ህለ እሉ ምንገብእ ላኪን እት አቅለሎት ጸር ሬፍዐት ሕሙም ምንገብእ ወሐዮት ሰዳይት ዐባይ ህሌት እሉ። ነፈር እት ርፍዐት እንዴ ኢበጹሕ እት አጊዳት ምን ሕማሙ እግል ልትባለሕ ላኪን ክል ዶል እብ ዛህር ምስል አዳሙ እግል ልትሃን ለትሐዜ። እግል ሐኪሙመ እምበል ስትር ወገላባብ ሓለቱ እግል ለአሰእል፡ ምስል ሐኪም ሰኒ እግል ልትዓወን፡ ደዋሁ እብ ተአሰትህል እግል ልንሰእ፡ እግል ልሕዬ ክምቱ ሰእየት እግል ሊዴ ትጠለብ ምነ። እብሊቱ ሕመም መትረባሽ ዐቅል እብ ዛህር እግል ልትሃን እቡ ልትሐዜ ለህለ። ለሕሙም ራድኢት እንዴ ረክበ ኖሱ ምን ሕመም እግል ልንጂ ወአዳሙ እግል ለአትዐርፍ።



አሳር

ምን አሱር ታሪክን

ቅዱም አሳር ምግባይ ዘበን (ዘበን እበን) እት አግዳም በሐር ቀየሕ ኤረትርየ



ቀደም 130,000 ወአስክ ቀደም 100,000 ሰኖታት ክምሰልሁመ ምን ቀደም 80,000 አስክ ቀደም 60,000 ሰኖታት ለትረክ ዐባዩ ናይ መትፈንግር ጀርቤታት እግል ልትርኤ ቀድር።

እብ አሳስ እሊ እብ እንክር ቅብለት ለልትአመር እግል ከጥ ኒል ሲናይ ለከምክም ከጥ ጀግራፊ ክምሰልሁመ እግል ግብለታይ እንክር ለልትሰሜ አስክ ግብለታይ እንክር በሐር ቀየሕ ለልሐብር ከጥ እግል መትፈንግር ቅዱም ጅንስ ወድ አዳም ምን አፍሪቀ አስክ ብዕድ ክፈል እዲን እግል ንፍህም ለገብእ ብሐሳት ኣካን ዐባይ ጸብጥ።

መትነሻር ናይላ ቅዱም ጅንስ ወእሊ ኣዜ ለህለ ጅንስ ወድ አዳም ምን አፍሪቀ አስክ ብዕዳት ክፋላት እዲን እብሊ ክልኡት እንክራት ለገብእ ክምቱ ለገብእ ብሐሳት ለኣክድ።

እትሊ እንክራት እሊ ለትረከበው

ዕሉም አሳር ወናይ አስል (ጃኔቲክ) ብሐሳት ክምሰለ ለአፍህሙ አፍሪቀ አሳስ (ቅርድ) ቅዱም ጅንስ ወድ- አዳም (Homo sapiens) ወእሊ ኣዜ ለህለ አዳም ለአፍራት ክምተ ልትሸረሕ።

እሊ ሰበት ገብእ ህዩ እት ለትፈናተ አውካድ እት ለትፈናተ ድዋራት እሊ ቃረት ለትረከበ አሳር፡ እግል እሊ አማን እሊ ለልኣክድ ወምሰል አወልወሎት ቅዱም ጅንስ አዳም ወእሊ ዮም ለህለ ታርፊሁ ለልኣትራክብ አሕዳስ ለሰንድ ቱ።


እብ አሳስ እሊ መፍሁም እሊ፡ ምግባይ ዘበን እበን (Middle Stone Age)፡ ምሰል መትፈንግር ቅርድ እሊ ኣዜ ለህለ ጅንስ አዳም ለልትጸበጥ እት ገብእ፡ እግል ዘበን ለሸርሖ አሳር ሰዋልፍ ወሐያት እብ ሀለዮቶም ምህመትለ በሐስ ወቅል።

እሊ ክፈል ታሪክ ወድ አዳም እሊ፡ ምን ቀደም 200,000 አስክ 10,000 ሰነት ለዐለ ምሰል ሰዋልፍ ወሐያትለ ጅንስ አዳም ለዘበን ለህይ ለልትጸበጥ አሕዳስ ለሐቅፍ።

እትሊ ክፈል ታሪክ ወድ አዳም አሳስ እሊ ዮም ለህለ ጅንስ አዳም (Homo sapiens) እት አፍሪቀ፡ ግራሁ ህዩ እት እዲን ክም ትፈንጠረ ለልሐብር አሳር ክቱብ ህለ።

ዕለመእ አሳር ህዩ እሊ አሕዳስ እሊ እት ጌማም እንዴ ኣተው ምን እት አፍሪቀ፡ አሲያ ወኣርብ ለትረከበ መትጸባጥ ለቡ አሳር እግል ልፍሆሙ ቃድራም ህለው።

አሳስ ወቅርድ ናይላ ቅዱም ጅንስ አዳም ወእሊ ኣዜ ለህለ ጅንስ አዳም ለወልደ ፍጥረቱ እት አፍሪቀ ክም ዐለት ግራሁ ምሰለ ትርኤት ለኢትሳዌት ሓለት ጀው ወህቱ ለሰበቡዩ አስሐበቡት አስክ



ቃራት ብዕዳት ምን 200,000 አስክ ቀደም 10,000 ሰነት እት ዘበን በረድ (Glacial and interglacial periods) እት ሰዋልፎም ወሐያቶም ተኣሲር ለወደ መትፈንግር ክም ሰበብ ልትህደግ።

እምበል እሊመ አስክ እሊ ምን ሰጁል ለህለ አስል (ጃኔቲክ) መፋሂም አሳስ ወመትፈንግር እሊ ጅንስ አዳም እግሉ እስባት ገብእ።

መትፈንግር ቅዱም ጅንስ ወድ አዳም ምን አፍሪቀ አስክ ብዕድ ክፋላት እዲን እግል ንፍህም ዶል ንሐዜ፡ እግል እሊ አሕዳስ እሊ እት ሱረት ዐባይ ናይላ እብ ትሉሉይ

አሳር ምግባይ ዘበን እበን፡ እትሊ ዕሉም እሊ ለህሌት ኢመፋህመት እት ቅርድ ወመትነሻር ቅዱም ጅንስ አዳም ምን አዩ ለልብል ሰኣል ለበልስ ቱ።

እብ አሳስ እሊ እስባት እሊ ህዩ እግል እስትራቲጅያይ መካሪት በሐር ቀየሕ እብ ፍንቱይ ህዩ ግብለታይ እንክሩ እት ጌማም እንዴ ኣተ፡ እት ፍንጌ አፍሪቀ ወአጥራፍ ምእታይ ዐረብ እት ምግባይ ዘበን እበን፡ ለትረክ ናይ መዐደይ ሕዱድ መትጸባጥ ሰዋልፍ መትረኣዩ ክፈል ብሐሳት ቱ።

መትሻባህ ድዋራት ለልህይብ



ምን መንሰዕ ቤት ሸሐቀን ፍቅሪት ወድ ሰሮም እግል እዛዝ ወድ ሕሻል ክእነ እት ልብል ሐለዩ።

ኢትወንን ወኢትከንፍ እዛዝ እሊ ሐረቱ ኢልትዓወን ወኢሊሐምብጽ አምዕል እንዳይ ተ ፈርሐቱ ፍዱድ ህይብ ምን ድጌ ጸርያት ጸሊም ቱ ጽብሐቱ ኢበቅቆ መካናት ዘብጥ እብላ ጥርቀቱ ውህር ጣላ ቱ ወድ ሕሻል ውሉድ እብላ ቅንጹቱ መክሮ ኢሰሜዕ ጽንፊት ላተ ዊደቱ ኣነ ኩሩብ ወድ ሕኒት ኢረክብቡ ሰነቱ አዳም ዲብ ሕድ ልትዓደል ክም ሕድ ኢኮን ሰልሐቱ ክም መርከብ ምስማሪ ኩሉ ኣክለት በርከቱ ሓልዮምቱ ቤለው ሰብ ምዱን ለትኣእወ ምጽኣቱ ሰብ ዳምክየት ወዕሹር ክል ቤት ነስእ ሾቡቱ ቀሊል ቀናጽ ኢኮኔ ኢተኣነድድ ሰረቱ ምን ሀረብን ምን ኣቤ ከቡቱን እብ ገጹ አፍጠኔን ኢኮኔ ሳኪ ድፈኢ ተ ማስለቱ ውላድ በልዐ ሸራፋ ወዳዋን ወደ ግል ዐዱ ሰልሞ ወለት ነደሌ እግል ከንቱባይ ለአመቱ ዝቢት ጎፍዬ ወገፈ ኖስ ተአምር አመቱ ምስጢር ብነ ኢፈግር ወአግላብ ዋስካም እት ረኣሱ ዐለት ለገርብ ተፍተፍ ትወዴ ደመቱ መቃርን ለሐወጅብ ብዘዕ ክምለ ለህበቱ

ዴማት ክታብ ሐትሊይ ትግራይት 1913 ገጽ 208

ሐብሬ አሳስ እንዴ ገኣት እት ፍንጌ አፍሪቀ ወምእታይ ዐረብ ለህለ ማያይ ክፋል እት ዘበን በረድ አስክ 10 ኪሎ ምትር ጭብ እግል ለዐሌ እግሉ ክም ቀድር ልትሸረሕ።

ግብለታይ ክፋል በሐር ቀየሕ እት ናይ ሰልፍ ድቁብ ዘበን በራደት ለትረክ እቱ አውካድ ዘበን በረድ፡ ገሌ ክፈሉ ሽብህ ክብሪ ሰበት ክልቀ እግል መትነሻር ቅዱም ጅንስ ወድ አዳም ምን እት አጥራፍ በሐር ቀየሕ ኤረትርየ አስክ ምእታይ

ዐረብ ለቀሰበ ምግባይ ዘበን እበን ክም ዐሌ፡ ሰጁል ለህለ አሳር ዕሉም ቅድምን ወዕልም ምድር ለአፍህም። እት ሐልፈሪ 15 ሰነት እት አግዳም በሐር ቀየሕ ለገብእ ሕፍዝ እት ቅዱም አሳር እግል እሊ ፈሀም እሊ ለልኣክድ ሰበት ገብእ፡ እትሊ ክቱብ መትረክብ ቅዱም አሳር ዐብዱር ወአሰፈት ምሰል እሊ አሕዳስ ምግባይ ዘበን እበን፡ እንዴ ትጸበጠ እግል ወድሐት እዱልያም ህለው።

ልተላሌ...





ሕዱግ ሰሌዎን?

ገጽ ከፍተኛነት ሽቂ

ሀይበኒ ጋራት ተ።

2^ኛ ወናይ ደንብ

ሰላል፡ እግልጫ እት ሂገ ትግራይት በሐሰ እግል ቲዳ ሐፊክ?

ዕሉም ሂገ እት እዲነ ዐቢ እህትማም ለቡ ጅንሰ ድሩሰ ቱ። እምበሌሁ እት ቴክኖሎጂ እምበል ሂገ እግል ቲደዩ ለትቀድር ሓጃት ሰበት አለቡ ምህመተ ዕሉም ሂገ ዐባይ ቱ።እሊ ሰበት ገብአቱ ዝደድ ክሉ ለልትሐኬ፤ እምበል እሊመ ሓዲስ ወገጽ ቀደም ምነ ለአሳድሮ ለህለው ዕልም ሰበት ገብአ ቱ። አናመ እሊ እት ጌማም እንዴ አቴት ሂገ ዐድነ እብ ገበይ ርትዕት እንዴ ትከበት ምስል ሰነነ እግል ትሸገን ወትትአመር ገሌ እግል ኢዴ ሰበት ዐለ እግልዬ ቱ እሊ ለወዴት። እሊ ሰበት ዐለ ሀደፍዬ ሀገጊት ብዕዳት ድወል እት ቀልል ወልትረተዕ እግልዬ እት ናይ ዐድነ ሂገ በሐስ እግል ኢዴ ሐሬት ናይከ ናይከ ሰበት ቱ። አኬመ ሀደፍዬ ለእግሉ ራክብ ህሌት አምር እትሊ ግም ሓዲስ እግል ልትዐዴ ወውላድነ እብ ዕምር ንእሾም እለ አነ ባጽሐ ለህሌት ደረጀት ዕልም እንዴ በጽሐው እት ሂገ ዐደም በሐስ እግል ሊደው ወልቀዱመ እግል እስደሃም ቱ።

**ሰአል፡ ሂገ ትግሬ እብ ፍንቱይ
እትሚ ሓለት ህሌት ትብል?**

ሂገ ትግሬ እትሊ ወክድ እሊ
እት ሓለት ሰኔት ህሌት እብል፤
እሊ ህዩ ለጉብኣ ነፈር እበ ቀርእ
ወከትብ ህሌ፤ ለጉብኣ ነፈር ዶል
ከትብ እበ ወቀርኣ ረታዐት ቀዋዕድ
ክታቡቱ እበ ኢከሰበ ዐቦት ለኣመጽኦ
እት ሂገ፤ ትትሐኪ ለህለ ደረጃት
ክም ከረ ረታዐት ቀዋዕድ ውብዕድ
ዕልም ሂገ ሐር ቱ ለመጽኦ።

ላመ ሀላዩ ለልትበህላ ሀገጊት
ዐለም እብላ ደረጃት እለ ለሐልፊያ
ተንጃሊ ሰበት ገብአ ክል ነፈር
ክምለ መስሉ እግል ልክተብ እግል
ንትካረፋ አለብኒ፡ እግል ልክተብ
አትናያት ሌጠ ኒዩ እግሉ።

እግል መሰል ሂገ ሰዋህሊ ሂገ እግል ትግበእ ህሊ እግል ሰበት ትብህሊ ምን እሊ ወሌሂ እንዴ ጀምዐው እግል ዮም እት ደረጀት ሰቤት ትትረኩብ፡ ክምሰልሁመ ናይ ኢንዶኒዝዮ ሂገ እብ ሕኩመት እህትማም ሰበት ተህየቦየ ሰኒ ክም ትሄርር ገብሉት፡ ሰበት እሊ ክልነ እግል ንክተብ ወንብሐስ ንክደም- ንክደም።

**ሰአል፣ ጽበጥለ እት ሂገ ትግሬ
ለገብአ በሐሰ ለጸብጦ ክታብከ ምን
ተሐብረና?**

ለክታብ ዝያደ እግል እትሊ መጽል እሊ ለከድሞ ኣምራም ለነፍሶ ቲ። እሊ ህዬ እብ ቀዋዕድ ወእብ ሂገ እንግሊዚ ለትዳለ ሰበት ገብእ ቲ። እምበልሁመ እት ጀርመን ለትዳለ ወለትጡብዐ ሰበት ቲ። እትለ እግል ልዘበ ቃሊቲ። ኣዜ ላኪን ምስል መዋበዐት ሕድሪ ሰበት ፋሁማም ህሌነ እብ ሐዲስ እትለ እንዴ ትጡብዐ እት እዴ ቄርኣት እግል ልብደሕ ሰኣዩት ብዬ። እሊ እግል ሸዑብነ ለገብእ ክታብ ህዬ



**እት ረክቡ ኣነ ወደረሳዬ እት ሸቅል
እግል ልፍረረናቲ።**

ሰላል፡ከብቴላ ከታብ ከፍ ትርእዩ?

እብ ኦማን ከብቲ ሰኔት ረክብ፡
እሊ እግል ልግበእ ለሰደ ሃይ
እግል ሰልፍ ወክድ ፍንቲት ሂገ
ሰበት ረክባቲ። ዝያድ ላኪን እብ
ለሀጃታት ትግረ በሐስ ለወደ
ክታብ እብ ወድሉ ቆምዮት እብ
ግብአቲመ ለብዕደት ፍንቲቲ ዐለት።
እሊ ውበዕድ ሰቡብ እንዴ ገብእ
እግሉ ክሉ ለትጡብዐ ኣክትብት
ትዘበ እግል መርጀዕ እንዴ ትበህለ
ብዝሓት ጃሚንት ነስኢሆ።

**ሰላል፡ እብ ክሰብ ሓያት
እጅትማዕየትከ ምን ነህድግ?**

እት ሰነት 1993 ሀዲት እተ ወክድ ለሀይ ወድ 28 ሰነት ዐልኩ። ምስልለመድ ወዓዳት ምጅተመዕነ እንዴ አደግኩ ሀዲት። እትሊ ወክድ እሊ ህዬ 4 ወ'ላድ ህለው እግልዬ። ለወድ ብክርዬ እት ከልየት ዕለም ሃፍየት አሰመረ ደርሰ ህለ ለብዕዳት ሐዋቱ በሀለት ለክልኤ ወለት እት ተዐሊም አሰሩ ጳብግት ህለዩ። ወለ ራብዓይ ህዬ ሀደፍዬ ወሂራርዬ እንዴ ሐቀቅት እብ ድክቶረ ከም ትድሐርኮ ለትወለደ ሰበት ቱ ሙራድ ሰማናሁ ንኡሽ ህለ ፡ ለእት ተዐሊም ለህለው ውላድነ ፈዳብያም ቶም ረቢ ልኸፈዛም።

**ሰአል፡ዳርሳም ዋልዴን እት
አፈደቦት ውላዶም አክል-አዩ ዶር
ቡ ትብል?**

እብ ኣማን ተኣሲር ቡ፡
እግልሚ ዋልዴን ዳርሳም ገብአው
ምንገብእ ክለ ለእሰረት እብ ገበይ
ንዝምት ክም ተኣቴ ወትራግር
ሰቡረት ህሌት ለእበ ልትመቅርሑ፡፡
ክምሰልሁመ ለጅነ እበ ደረጀት
ለዋልዴት በጽሐወ ለሐሰብ ወእግለ
ሸቄ፡፡ ውላጄመ መ እት ድራሰቶም
ሰኒ ፈዳብያም ቶም፡ እግልሚ ለቤት
ኖሰ እብ ዕልም ሰበት ተህድግ
ወትሸቄ እለመ እግልዬ ሐበን ምነ

ሰኣል፡ እብ
ክሱሰ ዓፍየትክ
እግል ንህደግ
ም ሰ ል ሰ ከ ሪ
ሚ ዶል
ተኣመርክ?

ስከራ ክም
ብዬ ለአመርኮ
ሰነት 1994
ተ፡፡ እተ ወክድ
ለሀይ እሊ
ሕማም እሊ ብከ
ክም ቤለውኒ
ሰኒ ትሻቀልኩ
እ ግ ል ሚ
እት ሸቅልዬ
ወ ድ ራ ሰ ቼ
መታክል ገብእ
እቼ ሰበት
እቤ፡፡

ሕግም ሰከሪ
ላኪን እብ ዋጅብ

ጸበዋክሁ ወራቀብክሁ ምንጉበእ
ደሐንተ። ምናተ አነ ለሸቅልይ
በሐሰ ሰበት ዐለ ወሰፈርያት እት
ረይም ብሩር ለልሐዜ ሰበት ቲ።
እማል በዐል ስከሪ ድቁበ ዐለ።
አነ ላከን ከንፈርይ እንዴ ነከሸኮ
ወከህላት እንዴ ወዴኮ ምን ሸቅልይ
እንዴ ይእቀይብ ዮም 23 ሰነት
ዋዲ ምስልይ ህለ።

ሰላል፤ እት አምዕል 3
ዶልኦብረት ትትረገዝ እሊ እት
ሸቅልከ ተአሲር ኢወደ እትከ?

ሓጃት ዶልሳድፉስ ወምን መሸንገልከ ክም ኢልትከረ ሐቆ አመርከ ዎርት ሕርያን ብከ ህቱ ህዬ መትከባት ሌጣቱ እለ ዶል ወዴ ከሉ ቀልል እግልኩ።

ለሕግም ሰበት ለመድከው የም ክምሰለኝብ ትሉሉይ ፈጅር ፈጅር ለእውደዩ ማጽ እንዴ ሐሰብኩው ቱ ለሰራይ እነሰኝ፤ ሐት-ሐቴ ዶል ሀዬ



እንብሉ ለህሊና ድዋራት ለህለው ደረሰ ቀደምም አብዮት ብዙከ ህለ እግሎም፡ ለማሌ ኣነ ለዐልኮ እቱ ብሩር ድራሳት እግል ትርኩብ እቱ ሰኔ ሰዱድ ዐለ፡ ዮም ላኪን መዳርሰ እት ክል ሽብሩ ትረክቡ።

ማሌ አሊ ወብዕድ እንዴ
ይእረክብቱ ሰአየት ሰበት አብተት
ወከደምኑ አለ ደረጃት አለ
ለበጽሐኩ። እብ ፍንቱይ እት
መጃል አድራሱት ለህለው ሽባን እት
እዴምዎ ዝሕረት ብዝሕት ህሉት።
ዕሉም እጅትማዒ ምስሎም ህለ።
እግል ልትንፍያ ምኑ ወልአንፍያ
ቦም እብሎም።

እነ እተ ብሩር ለህሊ ዝሕሮታት ምኑ እግል እርኩብ እንዴ እቤ ምስል ሕማምዩ ወምን ተላጀት ለኢፈግር ሰራዩ እት አክያሰ ውብድ እንዴ ጠባለልኩው ቱ እተ አካናተለ ዝሕረት እንዴ በጽሐኩ በሐሰዬ እወዴ ለዐልኩ፡ ሁቶም ላኪን እቱ ሰበት ህለው ምን ቅሩብ ወእብ ድቀት እት ቆሪናሁ እንዴ ትከረው እግል ልብሐሱ ወልክቶቡ ቦም። ዮም ሽበት ወዓፍዮት እት ቦም እግል ልሸቀው ህለ እግሎም እግልሚ ፈጅር-ፈጅር ተ ሚ ትወልድ ኢነአምር።

እት ደንጎበ ምን ናዩ ተጅርቡት ክል ነፈር እግል ልትወውት ገብኡ ምንገብኡ እት ገበይ ዕልም፡ አሸዋክ ክም ካይድ፡ ሰፍረ ወዕርቅነ ክም ጀርብብይን ወሕማም ክም ሳድፉ እንዴ አመረ ጽዋሩ ሰአየት ወኤማት ሓድር እት እንቱ ዶል ልትበገስ ክም ልትወውት ሸክ ኢሊዔ ምናተ እሊ ክሉ እግል ልምጸ መትበጋስ ለአትሐዜ፡ ክሉ ክም ትበገስነ እንረክቡ፡ ከንትበገስ እት ምክነ ለህላ ዝሕርታት እት ወቀይ እግል ነአውዕሉ፡ ምስዳር ንንሰኢ፡አዜ ንትበገስ፡

**ሰፍሎት ሽባን፡ ነሐምደክ ደክቶር
እግለ ኢትጵጉብ ተጅርበትኩ።**

ደክቶር ጎልሕ፡ አናመ እበ ተሀዋቤኒ በኩት ሐምድ።

ሙሉም ክም አነ እንዴ እትረሰሰ
ልህያምዬቶም ለልአትፋቅዱኒቱ።

ሰበት እሊ ክል ሓጀት ምን ከብቴ
ነፍሱት ሐቆ ትከበትካህ ቀላል ተ።

አማን ተሐይሰ እተ አምዕለ
ሰልፍ ለሰከሪ ሕሙም ህሌከ
ቤለውኒተ ሹቁል ዐልኮ ወለ
ሽቃልዬ ምን መትረጋዝ እብረት
ዐሉ፡ ምን እሊ ለባልሐኒ ህዩ እብ
ንሰኣት ከፍይን ሰባት አንበትኩ
እሊመ ሰጅዕዬ ተ።

ሐቆ ብዞሕ ሰፊን እት ለንደን እት ህሌኩ፡ ሓለት ሰከሪዬ ተቅደር ብዞሕ ሰበት አምጽኦ ትርኢኮ ወእቱ ምን ከኒነት እት እብረት እግል እትዐዴ ክምቱ ሐበረውኒ፡ “ናይከ ናይ ኢሱሊን ቱ”፡ ክም ቤለውኒ ሰፊ ወአማን ደንገጽኩ፡ለዶል ለሀ ምን ሂጋሆም እግል እስኪ እንዴ እቤ፡ “እት ዐድነ እበር አለቡ፡ ፊጅር እግል እርከቡ ሰበት ኢኩን ይኣነቡቱ!” እቤለሞ፡፡ህቶም ላኪን ለሓላቹ ርእያም ሰበት ዐለው፡ “ሕነ እት ዐድነ እግል ቲሙት ኢነአጅዝ እግልኩ ሐር ክም ጊሰከ ኖሰከ ተአምር” ቤለውኒ፡ ግራሁ እንዴ ይእፈቱ ለነስኣኸው እብረት እት ዓፍዮጂ ተሐሲን ብዞሕ ሰበት አርኢት፡ እተ ሐልፈየ ሰኔታት ተዐሰኩ፡፡

እዚ ሐቆ ነብረ ብዝሕት ነሰአኮ ሰለሰ እብረት ለእዘበጥ እቲ ወክድ ህለ እትኢኮን ፈጅር ወምሴ ሌጣ እብረት እዘበጥ ህሉኦ።

**ሰአል፣ ምን ናይከ ተጅርበት
እግል ሸግን ለትብለ ምን ተህሌ?**

ብዙሐም ፈዳዲያም ሽባን ብኩ፡
ለብፅዓመ መንፈዐት ተዐሊም እንዴ
ኣመረው እግል ልሽገቦ ቦም እብል።
እሊ ለህለ እግሎም ኣብኩት ፈጅር
ሰባት ኣልተረከብ እግል ልትነፍሶ
እቡ ወጅቦም።

እሎም እትሊ ዮም ብሩር ዐድነ

ጳጳስ ወሕበር ወጥኝ ሽህባት ወደረሰ ኤረትራ? ለትትዳሌ ሰርሐቱ

እት ሐያትከ ለነፈሳክ ነሳዬሕ

ሰልፋይት ቃዕደት፡ ቀለጥክ ከእብ ሰብብል ቀለጥክ ተዐንቀፍክ አውመ ትረበሽክ ምን ገብእ፡ ለጌገ ናይክ ክም ቱ፡ ወዋልዳንክ ልግቦኦም ዐድክ ዲብ እሊ ናይክ ምሽክለት ሐበት ዘንብ ክም አለቦም ኣምር፡ ከበደል ትበኬ ወበክትክ ትንዕል ምንል ቀለጥክ እግል ትትመሀር ለአትሐዜክ።

ሀለ እብ ገበይ ርትብት ክም ልትጸበጥ ውዴ።

ሳልሳይት ቃዕደት፡ መድረስት ለህኩያም ወለፈዳብያም ላቶም ደረሰ ክሎም እብ ሕበር ለትካረጀት ምኖም እግል ትግበእ ትቀድር፡ ምናተ ህቶምዲ አሰክ እለ እት ክል አካን ህለው። ወእትገሌ መድርሰ ህዩ ደረጃትለ ርሱብ “ተሪፍ ምን ፈስል እት ፈስል” ተርፈ። ወእሊ ህዩ እግል ደረሰ ለሱኣል በሊሰ ራቴዕ እግል ልርከቦ እሉ ለትፈናተ በክት ክም ልትህየቦ ገብኡ፡ ወክም እሊ መስል በክት ህዩ ዲብ እዲነ ሽቅል ክም አተው ለልትረከብ ኢኮን። ከእትለ በዝሐ ወቅት ሐቴ ዶል ሌጣ ቱ ለበክት ልትህየቦን።

ራብዓይት ቃዕደት፡ እዲነ አሰር ሕድ ለትተላሌ ሰልሰለት ናይ ፍሱል ድራሰት ኢኮን፡ ወክል ዶል እዋን ሓጋይ እት እጃዘት እግል ነሓልፋመ

ለልትቀደር ኢኮን፡ ወሰብ ሽቅል ክመ እተ ሙደርሲን እክ እግል ልስደው ክል ዶል ፋድያም ኢኮን። ከእንተ ርሕክ እግል ትሰዴ ወለመጸግምክ ክሉ እትለ እሉ ብክ ወቅት እግል ተአውቅዩ ብክ።

ሓምሳይት ቃዕደት፡ ክሉ ልቦም ወባሎም ላሊ ወምዕል እት ድራሳት ወበሐሰ ወክታብት ወቅራ አት ካርያሙ ለህለው መልሂትክ ወመሳኒትክ እግል ተአሕተርሞም ብክ፡ መን አመረ ዐየይን ወደለ ገብኡቶም ቀሪባም መስሎ እትክ ገብእ፡ ምናተ ህቶምዲ እለ እዲነ እግል ልጋብሆ ብዞሕ መዳሊት ዋድያም ህለው፡ ወመን አመራ ሐቴ ምዕል ርሕክ እግል ሕሳቦም እት ሐንቴሆም እት ሽቄ ትረክበ ትገብእ።



ረዋገት መፍትሕ ክሉ ተ

ዎሮት ሐረስታይ ሐቴ ምዕል ለናይ እዴ ሳዐቱ እተ መክዘን ክም እብዱየ ክም ሀለ ፈሀመ። እለ ሳዐቱ ህዩ እብ ግምሽ ግምሽ ለትትረኡ ሳዐት ይዐለት። በሀለት ምስል ለዐለ እሉ ሻማት ለትትአሳሰር ሳዐት ሰበት ዐለት። እግል ዐፍሽ ፋተሽ ወሃረሰ ወካረ ምናተ ኢትዐወተ ወእግል ልርከበ ኢቀድረ። እተ ባክለ መክዘን ልተልሀው ለዐለው ውላዳት እንዴ ነቅመ እግል ልትሳደወ ወለአትሓዙው ትሰአለዮም... ወእግል ለረክበ ነፈር ዕዳዩ እግል ለሀቡ ክም ቱ ገለድ አተ እሎም።

ለውላዳት እት ልትባደር እት ሓዘለ ሳዐት ትፈረረው ወአካን እለ ኢፈተሸው ወይሐንፈለው ሐቴመ ይሕድገው...ምናተ ክሉ እምበል ፋእደት ገብእ! ለሐረስታይ እንዴ ጸብረየ እግል ሙሽክለቱ እንዴ ትከበተ ትም እት ልብል እግል ሊጊስ ክም ነው፡ ዎሮት ኑኡሻይ ላቱ ጀኔታይ ሐቴ ዶል ናይ ደንገበ ምህለት እግል ለሀቡ ወለሳዐት እግል ልሕዘዩ ሐጪር በክት እግል ልርከብ ትሰአለዩ። ለሐረስታይ እግል ጀኔታይ ተማም እንዴ አቅመተዩ፡ “እንዴ ልጀርብ፡ ጀርቤ ሰከይ ሚትከልእ” ቤለ ወበክት ሀበዩ። ወእብላሁ ለሐረስታይ እግል

ጀኔታይ አሰክለ መክዘን ነድአዩ። ሐቆ መደቲት ለጀኔታይ እግል ሳዐት እት እዴሁ ጸብጠ ዲብ እንቱ አቅበሉ። ለሐረስታይ ለሳዐቱ ሰበት ትረከበት ሰኒ ፈርሐ፡ ምናተ እት ልትፈከር እግል ጀኔታይ እሎም ክሎም መልሂትክ ለኢቀድረው እቱ ጸገም እንተ እብ በይንክ እብ ከፎቱ ተዐወትክ እቡ?! እት ልብል ትሰአለዩ። ለጀኔታይ ክም እለ እት ልብል በልሰ ዲቡ፡ “አነ ላቱ እትለ መስጠበት እንዴ ትገሴኮ እዘንዩ ሌጠ እንዴ ከፊኮ አተንሴ ዐልኮ እንዲኢኮን ብዕደት ላተ ሐበትመ ኢወዴኮ። ከዲብ ጀው ለሃድእ ሳዐት ተክ. . ተክ. . እት ትብል ሰመዕኮህ...ሐቆ እለ እብጣርዩ እንዴ ገበእኮ እበ እትጃህ ለክርንተ እሰሚዕ እቡ ዐልኮ እቱ ሐዜኮህ ውረከብኩህ!”

ምን እለ ድግም ለትትረከብ ድራሰት ህሌት ምን ገብእ፡- እትለ በዝሐ ወቅት ህድእ እንዴ እንቤ እብ ምልሃነ እዘን እንዴ ከፊነ እብ ክሉ ቀልብክ እግል ነኡተንሴ ለአትሐዜክ። ለዶል ለሃቱ ለክርንለ እሉ እንፈቱ እግል ንስመዕ ለእንቀድር፡ ወአሕድ እግል ንፈሀም፡ ወክሉ ፍንጌነ ለሀለ ክላፋት እግል ንሸንክ ሐዳይ ምነ ረቢ ለሀበናቶም ብዙሕ ኡብሳር እቦም እግል ንትነፈዕ ለአትሐዜክ።



ተበሰም

ዎሮ እናስ ለአርወሐቱ ቅርጡጠት መስል እቱ ሰበት ዐለት ዲመ፡ ምን ዲርሆ ፈርህ ወለሀርብ ዐለ። ለእናስ እብላ ሓለት እለ አክለ

ዲርሆ ረአ ዲብ ሰከራት ልትካራ ለዐንበልብል ልውዴ ወለሀርብ ሰበት ዐለ ዐዱ አሰክ ሐኪም ዐቅል ነሰአው። እተ ወክድ ለሀይ ለሐኪምለ ዐቅል እግል እናስ ተማም ፈሐሰ እንዴ ወደ እሉ፡ ሽሙይ መክረዩ ወለዲርሆ በዐል ሴመ ክምሰል ኢኮን፡ አዳምቱ ለዲርሆ በሌዕ ዲኢኮን ዲርሆ አዳም ክምሰል ኢበሌዕ ወደሐ እግሉ። ግሪ እለ ለእናስ እበ ነሲሐትለ ሐኪም እንዴ ትናየተ ቤቱ እት ለአቀብል አመት አለበ ዎሮ ጃክ ዐቢ ምንቀደም ጠበሽ ቤለዩ። ለእናስ ምን ሐዲስ ዲብ ሰከ ወልውዴ ሓለቱ ከርሀ። ለአዳሙ አዜመ ዲብለ ሐኪምለ ዐቅል ዐቅብለው እቡ። ወክለ ለሓለት እግል ሐኪም ሓከው።

ለሐኪም ህዩ ተበሰም ዲብ ልብል ወሃድእ ዲብ እንቱ፡ “ሙሽ ዲርሆ በዐል ሴመ ኢኮን፡ አዳም ኢበሌዕ እንዴ እቤ አሰአልኮካ?” ክምሰል ቤለዩ፡ ለእናስ ህዩ ልሰዕ ገርቡ እብ ፈርሀት ዲብ ለርዐዴ “አይወ አሰአልከኒ ዶክቶር ላኪን...ላኪን እግል ዲርሆ ህዩ አነ ቅርጡጠት ክምሰል ዶክነ አሰአልካሁ እዩ ማሚ?” ቤለዩ ልትበህል።

ክልዶል ፋል ሰኔት እግል ትታሌ ለሰድያክ ነሳዬሕ

ሰልፋይት ቃዕደት፡ ቀለጥክ ከእብ ሰብብል ቀለጥክ ተዐንቀፍክ አውመ ትረበሽክ ምን ገብእ፡ ለጌገ ናይክ ክም ቱ፡ ወዋልዳንክ ልግቦኦም ዐድክ ዲብ እሊ ናይክ ምሽክለት ሐበት ዘንብ ክም አለቦም ኣምር፡ ከበደል ትበኬ ወበክትክ ትንዕል ምንል ቀለጥክ እግል ትትመሀር ለአትሐዜክ።

ካልኣይት ቃዕደት፡ ቀደም መትወላድክ ዋልዴንክ ክመ አዜ እግልክ ልትረኡክ ለሀለ ህቶም ለለአመሽጎ አንፋር ይዐለው። ህቶም አዜ ክም እሊ ለገበአው እቡ፡ እብ ሰብብል መሳሪፍለ ድራሰትክ ለቃልየት ወእሊ ለእሉ ትለብስ ህሌክ ግሩም ለብብስ ወምን ምዕል እት ምዕል እንተ እት ተዐቤ ልርኡክ ሰበት ህለው ቱ ለክምሰልሁ ገብአው። ከእግል እዲነ እግል ተአድሕን ወእግል ትበድል እንዴ ኢትትበገሱ፡ እት ሰልፍ ዶላብለ በለሊትክ አንድፍ፡ ወለሓጃትክ ለምስልክ ሀለ እብ ገበይ ርትብት ክም ልትጸበጥ ውዴ።

ሳልሳይት ቃዕደት፡ መድረስት ለህኩያም ወለፈዳብያም ላቶም ደረሰ ክሎም እብ ሕበር ለትካረጀት ምኖም እግል ትግበእ ትቀድር፡ ምናተ ህቶምዲ አሰክ እለ እት ክል አካን ህለው። ወእትገሌ መድርሰ ህዩ ደረጃትለ ርሱብ “ተሪፍ ምን ፈስል እት ፈስል” ተርፈ። ወእሊ ህዩ እግል ደረሰ ለሱኣል በሊሰ ራቴዕ እግል ልርከቦ እሉ ለትፈናተ በክት ክም ልትህየቦ ገብኡ፡ ወክም እሊ መስል በክት ህዩ ዲብ እዲነ ሽቅል ክም አተው ለልትረከብ ኢኮን። ከእትለ በዝሐ ወቅት ሐቴ ዶል ሌጣ ቱ ለበክት ልትህየቦን።

ራብዓይት ቃዕደት፡ እዲነ አሰር ሕድ ለትተላሌ ሰልሰለት ናይ ፍሱል ድራሰት ኢኮን፡ ወክል ዶል እዋን ሓጋይ እት እጃዘት እግል ነሓልፋመ ለልትቀደር ኢኮን፡ ወሰብ ሽቅል ክመ እተ ሙደርሲን እክ እግል ልስደው ክል ዶል ፋድያም ኢኮን። ከእንተ ርሕክ እግል ትሰዴ ወለመጸግምክ ክሉ እትለ እሉ ብክ ወቅት እግል ተአውቅዩ ብክ።

ሓምሳይት ቃዕደት፡ ክሉ ልቦም ወባሎም ላሊ ወምዕል እት ድራሳት ወበሐሰ ወክታብት ወቅራ አት ካርያሙ ለህለው መልሂትክ ወመሳኒትክ እግል ተአሕተርሞም ብክ፡ መን አመረ ዐየይን ወደለ ገብኡቶም ቀሪባም መስሎ እትክ ገብእ፡ ምናተ ህቶምዲ እለ እዲነ እግል ልጋብሆ ብዞሕ መዳሊት ዋድያም ህለው፡ ወመን አመራ ሐቴ ምዕል ርሕክ እግል ሕሳቦም እት ሐንቴሆም እት ሽቄ ትረክበ ትገብእ።

በህል

- ማ ል ከ ወደምክ ፍዘ መሰኒክ ወድዮም...ህቱ መሰኒክ ሰበት ቱ...በህለት ለናይ አማን መሰኒክ...

- እለን ሓላም አክል እዩ ዓድላት ተን ያጀማዐ... ህተን ፍንጌለ ሐሪር እንዴ ትናጸፈው ለሰክቦ ወእት ምድር ለለአንገራግሮ ኢፈናትዩ፡ እግል ክሎም አክል ሕድ ሸባሆም..

- ምነ ከርሸትክ እግል ትለምፎ፡ ለትቀድር ወለዐል ኢትብለዕ...

- ጀርቤ ለሐሰ ምዕልም ቱ...ምናተ ተብንለ ዕልም ለእሉ እንረክብ ምኑ ሰኒ ቀሌ።

- ለውቀት፡ ገጹ ምን ሀመት ወረእሱ ምን መሻቅል ወገርቡ ምን መጠጠት ለትሐጸበ ረክቤ።

- እለ ከሰር አለቡ፡ ርዩሕ እት እንቱ ሰክብ።

- ህዳይ አክል ሕድ ክመ እተ ንቅጠትለ ሕብር ለጸለም ለእት በለሊትለ ነፈር ትቀጥር፡ አመተ አለቡ ተረብ ልብል።

- ነፈር ፋሽል በታተን ይሀለ፡ ምናተ ምነ ቅርድ እንዴ አንበተ እት ቅርዱ እት እንቱ ለነብር ነፈር ሀለ።

- እትለ በዝሐ ወቅት ማል፡ ማል እት ተሐዜ ተአበድዩ።

-አዳም ምን ህግዩ እብ ኖሱ ወአትካፍአት ብዕዳም ምን ለአዝም፡ ለበዝሐ አዳም ጸሙማም ልጉም ወገብኡ።



15ይ ክፋል

ዑመር ላብሱ ለዐለ ልባስ ዐስከራ፡ ምስ'ለ ግርም ብጥራቱ፡ ከታፍ መማኒት ገርቡ ወለ ቀይሕ ሕብሩ፡ ዝያደት ግርመት ወጀላል እልቡሱ ዐለ።

ዑመር እብ ምን ጸነሐኒ ወምን ኢጸነሐኒ ልቡ እንዴ ለአሰር ወፈቱሕ፡ ምነ ለዐለ ዲበ ምንኪነት ሐቆ ትከ'ረ እብ በኑ ቤት እግል ሊጊስ ሰበት ኢሐዘ፡ ምስሉ ዐ'ዱ ለገይስ ነፈር አሰክ ረከብ፡ ዲብ ሐቱ ገሀወት እንዴ ትገሰ ሻሂ ዲብ ሰቱ፡ ምን ቃብል ሳልሕ ሐሀ እግል ሰሚረ ረአ። “ቤት ለለኣቱኒ ምን ረከብኩ አልሓምዱልላህ!” እንዴ ቤለ ሐቆለ ኦተንፈሱ፡ ትላከዩክ እግል ልምጽኡ አሸረ እግሉ። ሳልሕ ለልትላከዩ ለዐለ ዐስከሪ ምን ክምሰልቱ እንዴ ኢፈርጉ ምን ቅሩብ ክም መጽአዩ፡ ዑመር ክምሰልቱ እ'በ እት ድማነይት ምልትሐ ለዐለት በሮት ጸላም ሰበት አሌለዩ፡ እብ ሰፊላል ወፈርሐት ለተሓበረት ዲበ ሰላም እት ሕድ ወድቀው። ሐቆ ትሰላለመው ህዩ ምስል አሰክ ዐ'ዱ ትበገሰው።

ሰሚረ እምበል ምራደ እንዴ ተሐጼት አምዕል ህዳዩ ተአመረት። ምናተ ሚ ምስዳር እግል ትንሳኢ ክምሰልተ ፍርግት ዐለት አለቡ። ምጽኦት ዑመር ሰምዐት ምን ገብእ ህዩ፡ ዲብ ፍጉር እሱር ወህዳይ ሸፍር ዓይር ሚ እግል ትባሰር ትቀድር፤ ለገሮብ አሸህ እግል ለሀሻህሽ ም'ነ ሐቱ ሳምን ሌጠ ታርፉ ለዐለ ህዳይ ሸፍግ ለዐለ ኢሕመድ ወድ ሳልም፡ እንዴ ተህዴቱ ትምኔቱ እግል ትትመም እግሉ ወሰሚራመ ቤት ነግብ እንዴ ሸምከት ሕድ እግል ለአክቦቱ፡ ወለ ፊነ ዑመር እግል ተሐሽም ለሸፍር እግል ትጠልቅቱ ገብእ፤ ወቅት እግል ረሕመት አርወሐቱ ወሕሽመት ሰኣላቱ ለበልሰ ዲቡቱ።

ዑመር ወሳልሕ አሰክ ዐድ እት ለአሳድሮ፡ ሳልሕ እግል ዑመር ጥሉቅ ሰኣላት እት ልትሰኣሉ ወዑመርመ እንዴ በልሰ ዲቡ፡ ሳልሕ እብ ኦ'መተ ኢተአመረት “ማሸአለ ወትባረከላህ! ምጽኦትክ እት ፈርሐት ወኬር ገብአት። እት ፍጉር ዓይር ማጽእ ህሌከ” ቤለዩ። ዑመር ለዓይር ህለ ለትበህለ ፍጉር ናይ ምን ክምሰልቱ አምር ኢዐለ። ምን ለአምር ላተ እግሉ ብሸራት እንዴ ኢትገብእ ጋድእቱ። ላኪን ለከበር አሰክ እብ ሐድ-ሐድ ልትፈረግ እግሉ፡ እግል ልትነህፍ ሰበት ኢሐዘ፡ ሳልሕ ለቀዋጭቡ ለዐለ ከበር እንዴ ኢለኦተምም እግሉ ዑመር እንዴ አዳለቀ ዲቡ፡ “ዐድነ ዐድ ህዳይ ወኬር ልግብእ! ወለ ህዳይ ህዳይ ምንቱ፤” እት

“ሰ'መዕ ክልኦት ከበር”

ኬትባይ ዐሊ አቢብ እድሪስ

ልብል እብ ሰኣል ከርፈዩ። ሳልሕ ብዞሕ ኢተአከረ እግልሚ አፍያት ዐድ ዑመር ሸእጋም ሰበት ዐለው ለከበር እንዴ ኢበጽሐ እግል ለአክልሱ እግሉ ሰበትብ ሻፍግ እንዴ እንቱ፡ “ህዳይ ሰሚረ ሕቼ ቱ” ቤለዩ እንዴ ኢልትአመሩ እብ ከበር ጠሊም አማነት እንዴ በሸሩ። ለዶል እለ ዔዳት ዑመር ክምሰለ በርቅ ሰነያት ለዛብጠ እት ትመስል፡ በረጌዕ ገብኦት። ምድር ዲብ ምክራይ እግር ለኢተአርኤ ጽልመት ዑመር ትበደለ ምን። ፍንጌሁ ወፍንጌ ምርድ ምን ሐረስ ለኢተአፈርግ ሸ'መት ጸላም አግሀመት ከዕንታቱ ጠለፍሊፍ ገብኦ። እብ ምጽኦቱ ተዐሰ።

ምሕርባይ ዑመር፡ ለምን ልቡ ለፈትየ ወትፈትየ ለዐለት ሰሚረ “ትትሀዴ ህሌት” ለልብል ከበር ሐቆ ሰምዐ፡ “ሰሚረ ለፊናይ እንዴ ጠልመት ወአጥሬት ትትሀዴ ህሌት በህለትቱ፤” እት ልብል ለቀደም 2 ሰነት ካትብ እግለ ለዐለ ርሳለት ወጽበጠ ፈቅደ። ሳልሕ ምን ድግም እንዴ ኢበጥር ወዑመር ዲብ ቀሪናህ እብ ቀጥሴናይ ለኢትደሌ በሐር ሕሳባት ዶልክ እንዴ ተምስ ወፈግር፡ ሳልሕ እግል ኢለአግርስ እቡ እንዴ ቤለ፡

“መሻአላህ ወትባረከላህ! ዐድነ ዐድ ህዳይ ወሕዳይ ልግብእ። ወምን ለሀድየ ሀለ፤” ትሰኣለ ማሸግ ዲብ እንቱ።

“ኢሕመድ ወድ ሳልም ልቡሉ ምን ዐድ ፋይድቱ” ዑመር

“ኢሕመድ ወድ ሳልም” ለትብል ሰሚት ሐቆ ሰምዐ፡ አክል ሕድ ሰበት ለአምሩ መትፋቃድ ኢኦትሐዘዩ። ሰኣየት ባትክ እንዴ እንቱ።

“እላቱ ወለ ህዳይ አዩ ምዕል ሀለ፤” ሰኣል ሰለሰዩ ለሻፍግ ለዐለ አሳዳር እጉሩ ዲብ ሰሐብ ብዱል ዲብ እንቱ። ሳልሕመ ደለ እት ከብዱ ለዐለት እንዴ ቤብር፡

“ህዳይ ክእኒ ክም ዮም ሰምበት ዐባይ እብ ዐረቢ ዐስር-ታሴዕ እሊ ወሬሕ ጎነ በህለት ቱ” ለህዳይ ቁጽር ዲበ ለዐለ አምዕል ወዕለት እብ ትቡት ሐበረዩ።

ክእኒ እንዴ ልትበህሎ ለድግሞም ዲብ አልከደረ በጽሐት ወላመ ገበይ ዲብ መብጠረ። ዑመር አፊት ቤቱ ሰበት በጽሐ፡ እተ እብ እንክሩ ለኦሮት እርጸት ዓሽለት ዲቡ ለዐለት ባብ ናይለ ደረበት ቤቱም እንዴ በጥረው፡ እግል ልክሰቶ እግሎም ከርቀሐው። እሊ ወክድ እሊ ዑመር ለእግል መደት ክልኤ ሰነት ፍንቱዩ ለዐለ ሐ'ረት ዐ'ዱ ሰበት በጽሐ፡ ሸቀላት እብ ሰሚረ

ወከበር ህዳዩ እግል ዶሉ እንክር እንዴ አተንከበዩ ምን፡ ምን ለሀሌ ወምን ኢለሀሌ እንዴ ቤለ ሕሳባት ሐንገሉ ፋይል ሐዲስ ክም ፈቱሕ ወደዩ።

ጎሮም ላተ ሰዐድዩ ለባብ እንዴ ልትከርካሕ ክም ሰምዐቱ በል አበለት እቶም። እምበል ሸክ ህዩ ለዲበ ዕውድዋድለ አመቅረብ እተ ባብ በጥር ለዐለ ዐስከሪ ዑመር ክምሰልቱ እተ ዶለ ክታብ ዘብጠት ዲቡ። እባህ ምን ቤተ እንዴ ፈግረት እሻረት ብሸራት ወፈርሐት፡ ሰለሰ ዶል አሰር ሕድ ዐለለት ወለ ብሸራት ህተ በድረት እቡ።

እም ዑመር ምነ ግሲት ዲቡ ለዐለት ቂጦ እብ ሸፋግ እንዴ ቀንጸት፡ ዲበ አፊትለ ቤት ፈግረትክ አሰርለ አመት አለበ ለሰምዐቱ ዕላል ሰዐድዩ ህታመ ሰለሰ ሓርያት አትዐሬት። ወእባህ ወልደ እንዴ ትክበተት አትገሴቱ ወእንዴ ተዐምብዳብድ፡ ቤጨት ነስኦትክ ዲበ ሐንቲለ እገሩ እንዴ ከፊተ፡ “እበ እግርለ ማንክ ኪደ ከፈንቀሐ ሕልብዬ አባይኩም ወሓስድኩም ክምሰሌህ ልትፈንቀሕ!” እንዴ ቲለቱ እብ ሰጋዱ ትለውሌት ዲቡ። ጠቢዐት ዋልደይት እንዴ ጸብጠተ እብ ሰዕመት እንዴ ትናትል ምን፡ ዕንታተ ላተ እብ አናቤዕ ዘልም ወልጽኝ ዐለ። እግልሚ ፈርሐት ምን አዳም ዲብ አዳም ትትፈናቱ። ሰር ገሌ ተኦደንግጹ፡ ሰር ገሌ ትጠምሱ ወሰር ገሌመ ተኦበክዩ።

ክሎም አግዋሮም፡ አቃርቦም ወደለ ክርንለ ዕላላት ለሰምዓኩ ዐቢሆም ወትኦሾም አንሶም ወተብዐቶም፡ ክም ዝያረት ወልእ ዑመር እግል ልትሳለም አሰክ ቤት ዐድ ዑመር ትደነከው። ደለ ዑመር ትሳለማኩ፡ እግል እሙ ወሐው ወሐዋቱ “አሰናይኩም” ለትብል ዘዐት ተለይቶ ሰላም ክል ምኖም ዐለት።

እብ ፍንቱይ ለእግል ሰላሙ እኩባት ለዐለዩ አንሱ፡ ክም ማሕበር አንስ ሕዳሴ እንዴ መስለ ሐጅበር ልብል ሰበት ዐለዩ፡ ህግዩ መለሀዩ ትሰሚዕ ምንን ዐለት አለበን። ለሐቱ እንዴ ኢተአክልስ ክልኤ ልትሰኣሉ፡ ለክልኤ እንዴ ኢለኦተመ ሰለሰ ልትካበረ ወለኦከብረ። እትለ አካነቶም ልትሃጀኮ አምሰው። እግል አንስ ወሰብ ጀበነት አሰር ጀነበነት ተኬት ወተዐሌት፡ እግል ሸባባት ወዐሳክር ህዩ ሻሂ አሰር ሻሂ ተዐለ ወተሓለቡ። ክሎሊትለ ማሕበር እንዴ ትርሕብ ወትደምቅ ጌሰት። ዑመር ክም ወሬሕ 14 እት ምግብለ ማሕበር እንዴ እንቱ፡ ለእት ፍንጌ ሱግ ወቤቶም

ሳምዑ ለዐለ ከበር ህዳይ በዐል ሻሙ ሰሚረ ወህቱ ካልቁ ዲቡ ለዐለ ህም እግል ዶሉ ለትረሰዐዩ መስለ።

ሓል ዑመር ምነ እተ ሸፍር ለዐለ አግሉ ጸዓዲ አሪታት፡ ነገል ዶረን እንዴ ሐረ ፍት! እብ ሕርደት አበለዩኩ፡ ዲብ ወቅት ሐጨር ቀርቡቱ እንዴ መልጠጠ ምን፡ ሰይጣት ወገይዳት፡ ወሕደቅ ወዓጭሞታት እንዴ ወደዩ፡ እግል እግል ድራር ሸ'ነ ወደነ ለዐለዩ አንስ እንዴ ሰለመዩ፡ እግል ሲቶ ቡን ወህጅክ እንዴ አስተርሐ ምስል ወድ ሕቱ ዑመር ትገሰ።

ዑመር፡ ለማሕበር ሐውልዩት ትመስል ለዐለት ክሎሊት አዳም ክምሰል ትናቀሰት ምን ዲብ ግንሓት አዳሙ አተ። መንደሊታት ሰናቱ፡ አዋልድ ደነግል፡ ዐባይ ሰብ ወአንሱ፡ ቅሩቡ ወአግዋሩ እብ አር-ኦሮት ዐሸረ። እንዴ ልትፋጠን

ሐርብ ምን ዕልም ወለዐል . . .

ምን ገጽ 5 ለተላለ

እንዴ ተዐደዩ ዲብ ባካት ጄሽ አባይ ለህለ ኦብዓት አተዩ። ዲብለ በዐት ለኢጊስነ ዲብለ ናይ ዶሉ ድፈዕነ ለተረፍነ አነ ወሰዋግ መኪነት ደበሳይ ገረመድህን (ወዲ-አርበዕቱ) አበድ ኦፕሬተር ፊደዮ ወሴድያዩ ዳዊት ሌጠ ዐልኩ።

ጄሽ አባይ፡ ዲብለ እብ ጀህት ምውዳቅ ጸሓይ ለዐለዩ ውሕዳትኩ፡ ጽብሕ ምድር ህጁም አምበተ ምንገብኦ፡ ለክምሰል ራድኢት ዲብለ ኬልም ደብር እምእደኔ እንክር ምውዳቅ ጸሓይ እግል ልትከፊ ለቀድር አብረት ካሪህ ለዐለት ቅወቱ እግል ለአትብግስ ቀድር ለልብል ወግም ሰበት ዐለ እግልኩ፡ እለ ቅወት እለ ተሐረከት ምንገብኦ፡ እግል ወልደኦብ ወለበጦሎኒ ህጁም አምብቱ ለልብል ትእዛዝ እግል ነህብ ሳታም ዐልኩ።

ምድር ቅሎዕ ክምሰል ወደ፡ መዳፊዕ ወጦርታራት ወደሸክታት አባይ፡ አሰክለ ዲብ ሕዳቅ ወአጥራፍ አግረዕ ሻፋት ለዐለዩ ውሕዳትኩ እግል ልምበሕ አምበተ። ወቅት እንዴ ኢነስኦ፡ ጄሽ አባይ ዎሮ ግረ ዎሮ አምዋጅ ህጁም ጠለቀ። አባይ “ዮም ናይ ደንጎባተ - ላዝም ድፍዓት አግረዕ እንዴ ትሰበረ ነቅፈ እብ ቅብለተ እብ ገበይ ሕመድ-ደቤለ እግል ንእተዩ ብነ” እንዴ ቤለ ሰበት ትዊነቀ፡ እግል እሊ ምህም ሐርብ እሊ እግል ልሰርግል ጥያራት ሐርብ፡ ልሰዕ ምድር እንዴ ኢጸብሕቱ ጠበሸ ለቤለዩ። እግል አዳሙ፡ ብለቁ ወዕጪዩ ህዩ ምስል እሳት ቀርሐዩ እቱ። ምናድል ላኪን ለደፈዐ ልደፈዕ ምን መጣዋሩ ኩሰኩሰ ኢቤለ። እበአማን ህዩ


ወጋኔሕ ማሲ ዐለ ህዩ፡ ፋጥነ ሕቱ ወዓሽ ወለት ሓሉ አሰክ እለ እተ ማሕበር ኢረአዩን። ኩብዱ ተህምበከት፡ ደሚሩ አትዋዩ ከአፊመ ወአቅረቡ፡ ምን ፈራሕ እት ከረህ ጸብጠ ወጠለቀ። ዕንታቱ ዲብ ዓቅቢትለ መጽአዩ ሕረም ትፈረረ። አርወሐቱ “አዩ ህለዩ!” እንዴ ቤለ እግል ልትሰኣል እበን ዳረኩቱ። ምናተ፡ እተ መደትለ ሰልፍ ምስል ብዝሐ አዳም ልትሳለማሁ ለዐለዩ አንሳት ብዞሕ ፈርገን ሰበት ኢዐለ፡ “የምክን እንዴ ትሳለመያኒ ድራር ሸቅዩ ለህልዩ። ላላእ! ኢህለዩ። ከእትሰኣል እበን ወለ አሰብር፤ ሕቼ ወለት እምብዬ ወሕቼ ወለት ሓልዬ ምን ገብኦ ሰብር ለከአፎታ፤” ካህላቱ ሰበት ትከለሰት “ይማ፡ ፋጥነ ሕቼ ወዓሽ ወለት ሓልዬ አባዩን ምን ኢረኤክወን እተዩ ህለዩ!” ምን አከቡተ ቀናብል ወዲደር ረሳሳት ወጅሌል ለኢፈርሀ፡ ምነ እሙ ለተህይቡቱ በሊስ ፋርህ እንዴ እንቱ ትሰኣላበን።

ልተላሌ.....

ድፈዕ አግረዕ ትሰበረ ምንገብኦ፡ ገበይ ነቅፈ - ቅብለት ሳሕል እንዴ ደበኦ፡ ክልኢቱ ጅብሃት ምን ሕድ መትከራሙ ሌጠ እንዴ ኢገብኦ፡ ገበይ አግረዕ ለአግደ ምስል ነቅፈ ወድኔ ሰውረት ለተኦትራክብ ገበይ ሴፋነ ወስለሕነ ሰበት ተ ለቲለል ከጠር ዐለ።

ምድር እብ ጸሓይ ወሬሕ ሰቦዕ፡ እብ ናፓልም ወቀናብል ቀዝፍ ክሉ ጅንስ መዳፊዕ ዲብ ፍርም እንዴ ትበደለት፡ እብ ናይ ክልኢቱ ጀሃት እብ ደም ተሐንገረት። ባካት ሳዐት 13:00 (ሳዐት ሐቱ ሐቆ አድህር) አባይ እግል ዲብ ቀደም ለዐለ ጄሹ ሰኣየት ሰበት ኢረክበ እቱ ህጁማቱ እግል ለአተላሌ፡ ለዲብ ባካት አካነት ቅያደት ካሰ ገብረማርያም ካሪሁ ለዐለ ጄሽ እስዓፍ ገጽ ቀደም አትበገሰዩ። ዲብለ ወክድ ለሀይ፡ አነ ምስለ ሰለሰ መልሂቹ፡ ዲብለ ሴመ ዕሃል ለደዐለ እተ ዕንክለት እንዴ ገኦኮ ክሻፈቹ ምን ዕንቹ እንዴ ይእፈንቱ እራቅብ ዐልኩ። “ዎሮ ሻምበል (ሰርዩት አባይ) እንዴ ትከሬት፡ ካልኦይት ትብገስት ሳልሳይ ዐሬት ...ዲብ እምብል፡ ” ሐሊት አባይ ምነ አካን ሰኒ ወአማን አሰክ ገምም እብ ሰብር ታኬ። ዲብ ባካት አካን ቅያደት ኮሎኔል ካሰ ገብረማርያም ለዐለ ጄሽ አባይ ዕልቡ ሰኒ ክምሰል ሀገገ ክም አክድኩ፡ እግል ወልደኦብ እግል መኮነን ተክሌ፡ እግል ዐሊ ማንጁሱ፡ እግል ቃእድ ፈሲለት ብራውን ጸጋይ መሓሪ ምነ ዐለው እተ አካን እብ ሸፋግ እንዴ ፈግረው እግል ልህጀሞ ትእዛዝ ሀብኩ።

ልተላሌ.....



ዱር ኤረትሮፕ “ዱር ምሰንዮት ወበቃዐት” ልተላሌ

ዱር ኤረትሮፕ 2017 “ዱር ምሰንዮት ወበቃዐት” እት ሐንቲሉ ትብል ስቅራት

እት የም 15 አፕሪል ምን ፎሮ አስክ ግንደዕ እት ገብላ 110 ኪሎ ምትር ለገልበበ እድንያይ ብድረ ወድ ኢጣልያ መትባድራይ ናዲ አሞራቪታ ፔዬር ፓውሎ ተወወተ።

እት የም 16 ምን ገጽ ፈጅር ለገብላት 121.2 ኪሎ ምትር ለገልበበት ብድረ ‘ማሳዋ ቸርኪቶ’፣ ፈሪቅ ወጠኒ ኤረትሮፕ ወኤትርትርዩን መትባድራት ተወወተው እተ።

እትሉ ሐድ ሰለስ ሰዐት ወሰር ለአተላሌት ዲብ ሸዋርዕ መዲነት ባዴዕ ለገብላት እብ እድንያይ ማሕበር ብድረ ዐጃላት ዩ.ሲ.አይ ናይ 1.2 ምቅያስ ለበ ጅግረ።

አወላይ ነፈር ፈሪቅ ኤረትሮፕ ሳይሞን ሙሴ፣ ካልኦይ ነፈር ናዲ ጆርመን ባይክ ኤይድ ሚሮን ተሾሜ፣ ሳልሳይ ነፈር ፈሪቅ ወጠኒ ሚሮን አብርሃም ትወወተው።

እምበል እሊ፣ አንፋር ፈሪቅ ወጠኒ ኤረትሮፕ ዘመንፈስ ሰለሙን ወተስፎም ዑቅጣማርያም 4ይ ወ5ይ፣ ወድ ግብሉት አፍሪቀ ክሊንት ትረሺኖ 6ይ፣ ነፈር ናዲ አሰቤት ሚሮን ደብረጽዮን 7ይ፣ ነፈር ናዲ ሰምበል ዮናታን ሀይሉ 8ይ፣ ነፈር ፈሪቅ ሮዋንደ በነሽንቱረ ኡውዩዜማ 9ይ፣ ነፈር ናዲ ሰምበል ዳዊት ሀይሉ ሀይ 10ይ ፈግረው።እብ ደረጃት ፈሪቅ ሀይ ፈሪቅ ወጠኒ ኤረትሮፕ አስክ እለ መርሕ ሀለ።

እብ እድንያይ ማሕበር ብድረ ዐጃላት ናይ 2.2 ደረጃት ምቅያስ

ለበ ሐምስ መርሐለት ለትከምክም ዱር ኤረትሮፕ፣ አተሉት 18 አፕሪል፣ ምን ድባርወ አስክ ከረን 127.7 ኪሎ ምትር እበ ትገልብብ መርሐለት አተላሊ፣ እትሊ ጅግረ እሊ ሚሮን ተሾሜ ምን ፈርቅ ባይክ ኤይድ 1ይ ፈግር እት ሀለ። 2ይ ነፈር ፈሪቅ ግብሉት አፍሪቀ ክሊንት ትረሺኖ፣3ይ ምን ፈሪቅ አሞረ ሺታ ኢጣልያ ረዲሃ ቢላጅ እንዴ ገብአው ተወወተው።

እብ ታምም ንቃጥ ወወክድ ሚሮን ተሾሜ እንዴ ተወወተ አክደር ወበጪ ፍሌንዮት ላብሱ ዘመንፈስ ሰለሙን ሀይ ሐየት ስጋደት ትበሀሉ። እትሊ አስክ የም 22 አፕሪል ለአተላሌ ብድረ፣ ምን ወጠንያይ ፋሪቅ ኤረትሮፕ፣ ሩዋንደ፣ ሱዳን፣ ኬንያ ወጀምሁርያት ግብሉት አፍሪቀ፣ ወእብ ደረጃት አንድየት።



ኤሪቱል፣ ሰምበል፣ አሰቤት፣ ባይክ ኤይድ፣ አሞራ- ሺታ ወግሎባል ሳይክሊን ሻርት ሀለው። ሰንበት ዐባይ 22 አፕሪል ሀይ፣ እት ሸዋርዕ አስመረ ለገብእ ወእብ

እድንያይ መሕበር ብድረ ዐጃላት ናይ 1.2 ደረጃት ምዕያር ለቡ ብድረ ርቱብ ሀለ። ዱር ኤረትሮፕ የም ምን ሐጋት አስክ አስመረ እግል ልተላሌ።

ፕሪመርሊግ እንግሊዝ

ፈሪቅ ቼልሲ ምስል ፈሪቅ ማን ዩናይትድ ወድየ ለዐለ ትልህየ



እግል ንስኣት ካስ ፕሪመርሊግ አሳስ ለትከሬ እግሉ ሰበት ዐለት። ብዝሓም ፈተሽ ርያደት ምን ጽባብሐም እት አፍ ተለፍዝዮን እምሱያም ዐለው።

እብ ፍንቱይ እት ዐድ እንግሊዝ እት ሚዳን ማን ዩናይትድ ትገብእ ለዐለት ትልህየ እግል ልሕደሮ መጽኦ ለዐለው መስጅዐት ክልኣት ለፈሪቅ ዝላም እት ረኣሶም እት ዘልም እት ወክድ ሰኒ ሚዳን አትያም ዐለው።ሞሪኖ ቀደም እለ ትልህየ እለ እብ ፈሪቅ ቼልሲ እብ ቅልብ መሪር በሀለት 4 እብ 0 ሱሩሕ ሰበት ዐለ። ምስል መደርብለ ፈሪቅ ላቱ አንቶንዮ ኮንቴ እት ሸብህ በአስ



እስሙን ዐለ።ምናተ በአሶም በአስ ኩረት ወምን መትቀላብ ለመጽ ክምቱ ሻርሓም ዐለው።

እሊ ወብዕድ መሳጢር ለጸብጠት ትልህየ የም 16 አፕሪል ሰንበት ዐባይ ምሴ ብዙሕ አስእለት ራፍዐት እት እንተ አንበተ። ሞሪኖ እንዴ ተወወተ ተረቱ ልትፈዴ መፈሪቅ ቼልሲ እንዴ ተወወተ እግል ንስኣት ካስ አሳስ ከሬ ወመደርቡ ኢልኦግሄ ለልብል አስእለት ገሌ ምን ግረ 94 ደቂቀት ለልትብለስ ዐለ። እምበል እሊመ እትሊ ገብእ

ፈሪቅ ቼልሲ ስቅ ፈሪቅ ማን ዩናይትድ ረክበዩ

ለህለ ጅግራታት ፕሪመርሊግ ፈሪቅ ቼልሲ ካልእ ዶል እግል ፈሪቅ ማን ዩናይትድ ለቀልበ

እግል ልግበእ በክት ለትህይብ ሰበት ዐለት። እት ክልኢቶም ለፈሪቅ ድቁጣት ነፍስ ዋዲ ዐለ።

ት ል ህ የ አ ን በ ተ ት ፡ መትልህየት ፈሪቅ ማን ዩናይትድ እት ምድሮም

ወሚዳኖም ልተልህው ሰበት ዐለው እግል ልቅለቦ ሳምዳም ክም ህለው ለትሐብር ትልህየ ሰኔት ለአርኡ ዐለው።

ክም ፍገሪት እሊ ሀይ እብ ትሉሉይ እት ቀደም ፖርቱጋል ፈሪቅ ቼልሲ እግል ልብጽኡ ብዙሕ አብነት ራክባም ዐለው።

ትልህየ ሐድ ደቃይቅ ክም ሀረሰው ምን መተልህያይ ፈሪቅ



ማንዩናይትድ ራሽ ፎርድ እግል እት ከዋ 18 ለዐለው መተልህየት ቼልሲ እንዴ አትሀመለ እብ ምግባም ለቱረየ ኩረት እት ሸግዲት ቼልሲ ዓረፈት።

እለ ኢነት እለ መደርብ ማን ዩናይትድ፣ መተልህየት ክምስልሁመ መስጅዐት ሚዳን እብ ውጫጫት ፈርሐት በለሰው። እብ ድዱ መተልህየት ቼልሲ መዐነውየቶም እንዴ ወድቀት ምን ትልህየ እኪት እት ለአኬት ተዐደው። መተልህየት ማን ዩናይድ

እት ቀደም መተልህየት ቼልሲ እሳት እንዴ ገብአው ትረኣው። ኩረት ምን እገሮም እግል ልንስእወ ደቀበት እቶም። እት ሰር-ሳዐት ለኢገብእ ወክድ 239 ዶል እት እገሮም ዐንኮለለት እት እገር መተልህየት ቼልሲ ሳኪን 149 ዶል ጸንሐት።

መተልህየት ማን ዩናይትድ ኩረት እት ሐንቴ መራቀብቶም አትያመ ሰበት አምሰው ምስለ ሐከም ለወሰከዩ ደቃይቅ፣ 47 ደቂቀት ሰበት በጽሐ ትልህየ እብ ሚርሐት ማን ዩናይትድ እግል ዕርፍ በዋረት።

ግረ ዕርፍ እት ገብኣት ትልህየ አዜመ መተልህየት ቼልሲ ተቅዩር እግል ለአምጽኦ ወኩረት እግል ልምሎክ ሰአየት ክል ነፈር ምንመ ዐለት መተልህየት ቼልሲ ልቦም እንዴ ተሀጸፈ እምበል ኩረት ምን እግርዬ አሪመ ትልህየ ሕበር ወሰኔት እግል ለአርኡ ኢሐሰበው።

ማን ዩናይትድ ወእብ ፍንቱይ ራሽፎርድ ምስል ቅድም እንዴ ቤለ ኡቱዩ ለዐለ ጎል ሰኒ መዐነውየቱ ሰበት ዜደት ወደማንት ኖስ እንዴ ወቀለ ሐለት ድቅበት እንዴ ትዘርኣት እቱ እግል መተልህየት ቼልሲ እት ልሐርስ አምሴ።

እት 52 ደቂቀትለ ትልህየ ማን ዩናይትድ መስተንክር ክም ወዴት ለአከደት ኩረት ምን አንደር ሄራራ እት ሸግዲት ቼልሲ ኬን ወእንሰር ክም ተአምሆጥ ወደ።

ማን ዩናይት 2 ቼልሲ ሀይ 0 እንዴ ጸብጠው ኩረት እት ተአተላሌ መደርብ ፈሪቅ ቼልሲ ለኢጸበረዩ ስቅ ማን ዩናይትድ እቱ ክሩይ ክም ህለ ሰበት አመረ። ምኑ



ዘገለግሉኛ ዮሐንመያፕ

እግል ልፍገር ወእት ሚዳን እገሮም ልስሐቦ ለዐለው መተልህየቱ እግል ለአትሐሶሴ እንዴ ቤለ መተልህየት እት ቃይር ትረኣ። ሸቅሉ ሳኪን ፍገሪት ኢረክቡ። እት ሚዳን ለትከራከ መተልህያይ እገሩ ለጠልመዩ እት መስል ተቅዩር እግል ለአምጽኦ ኢቀድረ።

ትልህየ እብለህ እት ተአተላሌ 10 ደቂቀት ክም ተርፈ ምኑ ሞሪኖ እግል ሀዳፍለ ፈሪቅ ላቱ ዘላታን ኢብራሂሞቪች እት ሚዳን ከረ። እሊ እግል ደማንት ቅልቡ ለነሰኣዩ ምስደር ትመስል ዐለት።

እብ ክልኢቱ ለፈሪቅ ለትረኣ ተቅዩር ሰበት ይዐለ። ትልህየ እብ ዐውቱ ፈሪቅ ማን ዩናይትድ ተመት።

እብሊ ሀይ ፈሪቅ ቼልሲ ምን ግራሁ እብ 7 ንቅጠት ተልዩ ለዐለ ፈሪቅ ቶተንሃም ፈርግ 4 ንቅጠት እት ሰበት ትከረ ካስ ፕሪመርሊግ

እት ልርእየ እት ዐዳገ ትከሬት ምኑ። ሞሪኖ መርባቱ አቅሰነ ወእት መደርብ ፈሪቅ ቼልሲ ለኢቀሰን እያድ ኢሰካበት ቀርሐ። እትሊ ወክድ እሊ ሀይ ፈሪቅ ቼልሲ እብ 75 ንቅጠት 1ይ፣ ፈሪቅ ቶተንሃም እብ 71 ደቂቀት 2ይ ወፈሪቅ ሊቨርፑል ሀይ እብ 63 ንቅጠት እት 3ይት ደረጃት ሀለ። ፈሪቅ ማን ዩናይትድ እት 6ይት ደረጃት እብ 57 ንቅጠት ልትረከቡ።

እምበሊ እሊ እትሊ ለሐልፈ ወክድ ፈሪቅ ሊቨርፑል እግል ፈሪቅ ዌስትብሮም 1 እብ0። ፈሪቅ ማን ሲቲ እግል ፈሪቅ ሳውዝሃምፕቶን 3 እብ 0 ወፈሪቅ ቶተንሃም እግል ፈሪቅ ሚድልስበርግ 4 እብ0 ክምስልሁመ ፈሪቅ አርሰናል እግል ፈሪቅ ሚድልስበርግ 2 እብ 1 ቃልግም ሀለው።

መረሽሐን ጃኢዘት ‘ፒኤፍኤ’ ትሌለው


መሕበር ፕሮፌሽናላት መተልህየት ኩረት እግር እንግሊዝ ‘ፒኤፍኤ’ እበ ለሀይበ ክርን ለገብእ ሕርያን ሕሩይ መተልህያይ ፕሪመርሊግእንግሊዝክምሰለ አዩዱ የምመ ዓመት እግለ ጃኢዘት ርሽሓም ለህለው መተልህየት ሳሚ ሀለ።



እብ አሳስ ሐብሬለ መሕበር እትለ ሰነት እለ ምን እት ጅግረ አትያም ለህለው መተልህየት ዘላታን ኢብራሂሞቪች ምን ማን ዩናይትድ፣ ሃሪ ኬይን ምን ፈሪቅ ቶተንሃም፣ ሮሚዩ ሉካኩ ምን ፈሪቅ ኤቨርተን ወኢኤክስ ሳንቼዝ ምን ፈሪቅ አርሰናል ቶም።

እት የም 23 አፕሪል እበ ትትህየብ ክርን ናይ እለ ሰነት እለ ለሐሰ መተልህያይለ ሊግ እግል ልትአመር ቱ። ምስል እሊ ለትጸበጠ እግል ጃኢዘት ሕሩይ ሻብ ለፕሪመርሊግ ርሽሓም ለህለው መተልህየት እሎም ለተሉ ቶም።

ለሐልፈት ሰነት ለትወወተው እት መተልህያይ ፈሪቅ ቶተንሃም ዴል ዐሊ፣ ሃሪ ኬይን፣ ሮሚዩ ሉካኩ፣ሓርስ ፈሪቅ ሰንደር ሳንድ ፒክፎርድ፣ መተልህያይ ምግብ ፈሪቅ ማን ሲቲ ሊርይ ሳኔን ወመዳፍዕ በርንሊ ማይክል ኪን ቶም።



ሐቆ ቅያብ 12 ሰነት ለፈጥነ ሻብ



እግል 12 ሰነት እንዴ አፈጥን ለቁበ ስቴሽን ማርትን ቢሰቶርዮሰ ለትበሀለ ሻብ አፍሪቂ እሙ ትትግዮሩ እት ሀሌት ሐሰ እቡ። እሊ ሻብ እሊ እትለን ሰኔታት እለን እግል ልሕሰሰ እብሊ ሀይ ከፈፍል ገርቡ እንዴ ሐረክ እግል ልፈርግ እግል ልትሃጌ ወልፍጠን ቀድር ኢዐሉ። እብሊ ሓላት እለ ሀይ ፅምሩ እት 24 ሰነት ክም ትወቀለ ፅምሩ ምን ፊመ ምን ቅያብ እግል ልፍጠን ቀድረ።


ብሪጣንዩ እተ ሀቡቱ ተቅሪር እትለን ለሐልፈዩ 12 ሰነት እብ ለገብአት ሓጃት ፈጥን ክምሰል ኢዐለ እንዴ ወደሐት። እለ ሓላት እለ ሀይ ክል ወራቱ እተ እግሉ ለታብዖ ዋልዴኑ ክሪት ሰባት ዐለት ክም ከኑፋ ዋድዮቶም ዐለት ትብል። እብ ሰባብ እሊ እሙ ለሓላቱ ምን ማሸገት እት እንተ ያፊት ምን እለ ሓላት እለ ማይት ወገብአክ እንትብሉ ሰባት ሐሰሰ እተ እት ሐያት ዋልዴኑ ተአሲር እኩይ ዋዴ ክም ህለ ምስለ ፈጠኑ አመረ።

ምን እቦን ለትሸቀ ክታብ

መዐረድ ባይበር ምርልድ እት ምግባይ ምፍጋር ጸሓይ ወእብ ፍንቱይ እት ዱቦይ። እተ እግል ሳድሰ ኢነቱ እተ ቀደመዩ መዐረድ እት ታሪክ እዲነ ሰልፍ ክምቱ ለትሸቀ ምን እቦን ለትሸቀ ክታብ ቁርኣን ከሪም ቀደመ።

እሊ ክታብ ክሉ ጽብጡ ምን እቦን ለትዳላቱ ምን ዕጪይ ለትሓበረ እቱ ጽብጥ አለቡ እግል ሚ ከህላቱ እግል ማይ ለትደቀበት እግል ትግበእ።

እሊ እብ ሸሪከት ብራክሰ ባይበር ምን ብሪጣንዩ ለትዳለ ክታብ ብዝሓም አንፋር አትዐጀበ እብ ፍንቱይ ለምን እቦን ለሸቀ አውራቁ



(ሰፍሓቱ)። እሊ ምን እቦን ለትሸቀ ሰፍሓትለ ክታብ እምበል ምሽክለት ክም ሐዘከ እግል ትለዋልዩ ለትቀድር እት ገብእ እት አዳለዮቱም ብዞሕ ጣቀት ኢለሐዘ። እሊ ሀይ እት ሰናዐት ሐቱ ምስዳር ገጽ ቀደም ክምቱ ብዝሓም ሰብ መቅደረት ለሐብር።

አውራቅ እሊ ክታብ ለበዝሐ ጽብጡ 80% ምን እቦን ጂር ካርቦናት ካልሰዩም ለትዳላ እት ገብእ። ለተርፈ ክፈሉ ምን ብዕድ በሀለት እግል ድዋር ለኢደርር ኪማኢ ለትዳላቱ ።

እሊ ምን እቦን ለልትዳሌ አውራቅ እት ምስተቀበል እግል ጥብዐት አክትብት። ገብእ ወብዕድ ናይ መክተብ አግርበት እግል ልትዳሌ እቡ ክም ቀድር ልትሸረሕ ሀለ።

እሊ አውራቅ እሊ ምን ብዕድ አውራቅ ፍንቱይ ለወድዩ። ዝያዳት ማይ ወባክቱርዮ እግል ልክህል ለቀድር ሰባት ገብአቱ። እብ ቀለሉ እግል ልትሸረም ወልብሌመ ለቀድር ኢኮን።

ለዘት ሽዕር

ዶል ኢንሰማመዕ፡ ንሰማመዕ ኢትጽብጦ እቺ ሚ ክም ሕነ አሰክ አዜ ይአምር ወኢትቅሰቡኒ ዐይብኩም ናይ ልብዬ እግል አፍግር ምስጢር እግል ኢሎምሰለኩምም ሐቱ አለብዬ ለእለ እሰትር እለ ዐቅር አልብዬ ወእለ እበርብር

ቲልያይቺ እግል ይኢበለ ዲብ ገሌ ሓጃት ኢንተላሌ ፈተይቺ እግል ይኢበለ ንትፋቱ ላኪን ኢንደላሌ ዴደባንዩ ከፎ ኢበለ ኖሼ ምን ሻባይ እንዴ ይአባሬ ሸሪከትመ ክብድትተ እግል ተርጀመተ ደሌ ከመደርሰት ዐቅል ኢበለ ለምን ጸብር መዐር ተዓሬ?

እበ ገብአት ሚ ክም ሕነ ብዞሕ ኢክሰስ ለድሩስ እንዲኢኮን ላዝም ኢኮን እግል ነአምር ጠቢተ መደርስ ዶል ሕድ ንትዓዩር እግል አድሕድ እንሳይስ ዶል ለእለ ነሐርቀ ሐድ እንቃይስ

አፋነ ዶል ልሰሐቅ እብ ከብድነ እንበኬ ምን ሕድ ኢንተራያም ለኪን ምን ሕድ ንትወርኬ አፋነ አዝም እት እንቱ እብ ህጅክ ምስል ንደርኬ ከረምነ ፈንጨጋር ወቀይምነ ኢለአኬ አክይ ሐቦን ነአዳውር ሐቦን እግል ንሰርጌ

እብ እሳት ለሐልፈ ደሀብቱ ለመክቱም ልትበህል ወሳሬ ከአነ ወእለ መደርሰቺ አልባብነ እኪት ናሬ ሄራር ቱ ለአትሐዘኔ እብ እስእን ልግበእ ወእብ ሓሬ ዶል ኢንሰማመዕ ክም ንሰማመዕ እሊ በሊስ ካሬ።

Moደ

ምን ደያሪ (አምዕላይ ሰድል ሐያትነ)

ብክርዬ፡ ሕደጋትእዴ ወዲን ፈርጄ

ዮም 21/2/2013 ሰዐት 11:00 ቀ.አ በርሊን -ጀርመን

ዶል-ዶል ፈክ ሐቆ ከብድ ዲብክ መትመሚሁ እት ተአምር መንገአቱ ትትቀዌ ዲብክ። ዮምክን ዲብዬ ሌጠ እግል ልግበእ ቀድር። ማይታም እንዴ ዐልኩም ምን ሞት ለሐንፊሌኩም ነፈር ሚ ወወዴኩም እግሉ? እብ ሸፋግ በሊስ ክም ኢትሀይቡኒ ምን ተጃርብዬ እግል እፍህም እቀድር። እበ ገብአት አነ ሐቆ ናይ 9 ሰነት ሸለል ገርብ ወመትሐጃብ ዕንታት። ዮም እብ ፈድል ረቢ ወሰብብ ብክርዬ፡ ሕደጋት እዴ ወዲን ፈርጄ ላተ አርሄት ወለቺ ርሄኩ። ወላሂ ፈርሐቺ ምን ቅያሰ ወለዐል ሰባት በጽሐት። እምበለ ለሐቆ ናይ 9 ሰነት ሰነብ ምን ማሌ ክም ሐዘኩ ሐርኩ ለሀሌኩ አጫብፊ እደይ እብ ቀለም እት ወረቀት ለሐራክክ ሚ እከትብ ክም ሀሌኩ ልትፈሀም እግልዬ ይሀለ። ለእት ልርኤ ሰክብ ለዐለ ዕንታቺመ። ክመ እተ እት ሰክብ ለሐለፈዮን ሰኒን ልተዐሰ ለሀለ እት መሰል እበ ሸባክለ ዕያደት ግርመት መዲነት በርሊን ለአዳውር ሀለ። ለበዝሐነ ውላድ ቢን-ኢደም ብዙሕ ንተምሄ ትምሄቺ ላኪን ዐደድ ሓልፍቲ። አነ ሐቆ ህዳዩ አጊድ ኢትብከርኩ። በሀለት እንዴ ተአክርነ ሐቆ 25 ሰነት ወለድኩ። ምን ውላድ ክም ደንገርነ ወለት ልግበእ ወሕዳን ውላጃ እግል እርኤ ሐዘ ምንመ ዐልኩ። እት እስረትነ ላኪን ምን ውርስ ለጸንሐተነ ግድዐት ወክሰሰን ሕዲነ ውላድ ተብዕን ሰባት ዐለ ዲብክ ሕልም ላሊዬ ወአምዕልዬ ሕዳን ዐለ። ሐቆ 25 ሰነት እሲቺ ዐምሰት። እብ ፅምስህ ሰኒ ፍሬርሐኩ ላኪን ለፈርሐትቺ ታመት እግል ትግበእ “ያርቢ ለእት ከብድ ሀለ ሕዳን ውደዩ እግልዬ” እት እብል ላሊ ወምዕል እድዴ ዐልኩ። ንዮቺ ትርኤ ለዐለት እሲትቺ መክረኒ ዐለት። “አሰናይ ረቢ በልሰ ዲብክ እለ ገብእ ልግበእ ሳልሐ ለሀበነ በል፡ ሐር ሀይ ወለት ትግበእ ወሕዳን ሰልሐ ምንገብእ ክሉ ሐቱቱ” እት ትብል ህግዩ ላባም ትትሃሂኒ ዐለት። አነ ላኪን ወለት እግል እትብከር ትትወሐጥ እግልዬ ይዐለት ። እግልሚ ምስል ፅምር እሲቺ ሐቆህ እግል ንውላድ ለበክት ሰኒ ጸቢብ ክምቱ ሸክቱ ይዐለ እግልዬ።

‘አምዕል ወክልብ እንዴ ኢትላከዮም መጽኦ’ ክመ ልትበህል። እሲቺ ሸህረ ሰባት ተመ ምሕጽ ሀረሰት። ለአምዕል ጅምዐት ሰባት ዐለት አነ እት መድረሰት ዐልኩ። በሀለት አደርስ ዐልኩ። ካልኣይት ሕሰት እንዴ አድረስኩ እት እፈግር። ወድ ሕቺ እብ ሸፋግ እት ልሰዴ መጽኦ ርኤክመ። ህቱ ናይ ምሴ ደርስ ሰባት ዐለ። እግል ድሩስ መጽኦ ክም ይዐለ ትዩቀኸ። ህቱመ እብ ሸፋግ እሲትቺ መሐጽ ክም ሀረሰት አክበሬኒ።

ናይ አማን ፈርሐት፡ ፈርሐት ወሀረከት ትሰደዩ ዲብዬ። እግል ዲብዬ ልኡክ ለዐለ ሕዳን እግል ዐሬካቱ እቤሉ ወእብ ገበይ ብዕደት ሐለፍክወ ከአሰክ ዐጂ ጠለቅኩ። ለገበይ በዲር እት ሰር ሳዐት እገደሰ ምንመ ዐልኩ። ለምዕል እለ ላኪን እት ሰር ደጊገት ለበጽሐኩ መሰሌኒ። ለሸፍርነ ክም ሸአግኩ አርት ምን አግዋርነ ‘እስታዝ ምን አልመሰቱራት እንሸእላ’ ቢሊኒ። እሲትቺ እብ ሰላም እብ መትከምካመ በደል እፍርሕ እብ ድንጋጽ በረይድ ገብአኩ። ዲብ ዓዳትነ ሐቆ ወለት ገብአት ምን አልመሰቱራት ልብሎ ወሕዳን ገብእ ምንገብእ ‘ይትረብ ፊዕከክ’። ለክልማት ናይ ዐረብቱ ለኪን ክም ለመድ ንትነፈዕ እቡ። ሰባት እለ አነ ለእግል ወለት ትትበህል ሰባት ቢሊኒ ቱ ለደንገጽኩ። አዳም ሐቆ ክም ሰኒን ውላድ እብ ርክበትነ ክም ዒድ ልርእዩ እት ሀለ። አነ ላኪን አወል ሐቱ ወሐር ወለት እግል ትግበእ ኢትወሐጠት እግልዬ። እት ቀበት ፋርሓም በይንዩ ጎመምኩ። ሐለቺ ለረኣ አቡዬ “አሰናይነ ወልዬ ረቢ ሀበኩ። ረቢክ ሐምድ ጊስ ርክዐት ሸክር ንሰኡ አፎ ሸከርከ?” ቢሊኒ። አነ ምሸዊቺ እት አምር ህግደሁ እግል ይእካልፍ ሰኒ እቤሉ ወምነ አካን ሸከኩ። አርሄት ዐቤት ወፅምር ድራሰት በጽሐት። አርሄት ምን ንእሽ ልበ ክሩይ ወላውህት ተ። እሲቺ ሐቆ አርሄት ለትወልድ እቱ ፅምር ሰባት ተመ አርሄት ብክርነ ወሕደጋት እዴነ ክምተ ተአክድኩ። ንዮቺ ለርኤት እሲቺ። እግል እጽመር ምን ሐዘ ሕርዮቺ እት እዴዬ ክምተ አሰአለተኒ። አነ ላኪን እሲቺ እብ ፍቲ ሃድዮ ሰባት ዐልኩ። እት ረኣሰ ጸሚር ከያነት መሰሌኒ። እብላዬ እት ሀባዬ እግል እንበር ሐሬቲ። እብ አማን አክለ ፅምርዬ እት ለዐቤ መጽኤ ሸቃልዬመ ሰመ እት ለዐርግ መጽኤ። ላኪን ለትገብእ አለቡ ሕክም ረቢ ረደ ክመ ልትበህል እንዴ ይእፈቱ ረዳኩ። አዳም እት ሀለ ምስልዬ ጭንትሮ ልትሰምዐኒ። ነፍሰዬ ክም እት ሰሐረ ለባቅለት ዕንባባት ሴድያይ ለይአለበ እንዴ ገብአት ርኤተኒ። አርሄት መድረሰተ እብ ዲግሪ ሰባት እትመመተ ዲብ ወጠንያይ መዕመል (national lab) ትወዝዐት። ክልኤ ሰነት ሐቆ ሸቂት ሀይ ብዞሕ ዐውቱታት ሰባት ሰርገለት በክት መሰትርይት (MA) ረክበት።

እትሊ አያም እሊቱ አነ እብ ሰባብ መሸክለት ኔርሻ ለአንበተ። ገርብዬ ለሸለ ወፅንታትቺ ለሐጀበ ሕማም ለአንበቱኒ። ሕማምዬ ሰድሬት ዐለ። እት ሐጨር ወቅት እት ሸለል ወዐወር ዕንታት በጽሐ። እድንያነ እት ሐጨር ወቅት ተቅዩር አምጸአት። አነ ዐራት ሰባት ጸባዮኩ ዝሩፍነ ሰዐብ ገብአት። አርሄት ወለትቺመ ሕማምዬ እት ሄራር ድረሰተ ተአሲር ወደ እተ። ሐቆ ብዞሕ ወዲቅ ወቀኒጽ መስተርስ እት ቀበት ዐድ እንዴ ወዴት እግል ዶክተራይት በክት ጀርመን በጽሐዩ። ህተ እት ቀበት ዐድ አካን ኢሐድገት ብዬ ላኪን ሕማምዬ ምን አምዕል እት አምዕል እት ልትኬለም መጽኤ። አርሄት እት ጀርመን ዶክተራይት እት ተሐድር ወእት ሸቂ ሰርፈነ ሐቆ ጸንሐት ቱ እግል ዕላጅ ምስለ ጀርመን ለነሰአተኒ። ለምን መትወላደ እደንግጽ ዐልኩ ወለትቺ ትፈገረተኒ። አካን ሕዳን ወወለት ገብአት እግልዬ። እድንያነ ብኬረ ገብአት። ምንለዐል ሰብዐት ለወልዳም እት መንዝል ሰኒ አቱኩ ወዳዊኩ። አርሄት ምን አፍ ሞት ነዘዐተኒ። ዕንታትቺ ረኣ። እገርዬ ሰዐ ወአለምበ ወእደዬመ ክም በዲሩ እት ሸቅሉ አቅበለ። አቤ ብክርዬ፡ ሕደጋት እዴ ወዲን ፈርጄ አርሄት ወለቺ!!